

(ling. MINISCALCHI, 10th)

2363


M O R O R U M

620298

L I B R I I I I.

C A R M I N U M

L I B E R.



VERONAE MDCCCLXVIII.

Apud Haeredem Augustini Carattoni Typographum Seminarii;
Superiorum Auctoritate.



Digitized by Google



SERENISSIMO
MAXIMILIANO JOSEPHO
 BOJARIE DUCI, S.R.I. ELECTORI &c. &c. &c.

ALOYSIUS COMES DE MINISCALCHI
 PATRICIUS VERONENSIS.



UT primum in Boicam Scientiarum
 Academiam cooptatus fui, ne inter
 tot sapientes, et celebres Socios otio-
 sus penitus, ac inutilis viderer, hosce Georgicos li-

A 2

bel-

bellos lucubrandos suscepi, et eosdem, ut Tibi, Optime Princeps, inscriberem, minime dubitavi. Mihi etenim clare compertum est, praecipuam Te dignitatem Tuam non constituisse in Principatus fastigio, sed in virtute; nam alterum cuidam Generis necessitati, alteram Tibi uni debere procul dubio sentis. Summo studio inter regias vero sollicitudines optimis disciplinis additus Academicam, quasi omnium disciplinarum domicilium magnifico opere exornasti, et nihil a Te in illa praetermissum est, quod ad pacis, bellique, artes pertineat. Idcirco graviora studia revocare, virosque scientiis operam dantes erigere, ac fovere non definis. Cum autem Mororum cultum, quem hisce libellis, praecipue complectimur, Tuis quoque in regionibus tuearis, legibusque promoveas, non ne hunc laborem meum Tibi dicare, et aequo, libentique animo a Te susceptum iri sperare debueram? Hanc meam fiduciam auctam, et confirmatam, meque multo magis Tibi devinctum sensi, cum Academiam Philarmonicam Nomine augusto, atque aedes nostras Effigie Tua illustrare voluisti, immo etiam nobis Philarmoni-

monicis Symphonias a Te mirifica arte lucubra-
 ras inscribi passus es, ut nos incomparabili mu-
 neris honore exornati summae virtutis, & sin-
 gularis clementiae, ac humanitatis Tuae monu-
 mentum seris etiam nepotibus mandare possimus.
 Quae de Te pauca dixi, quis, & quantus Prin-
 ceptis sis, et qualem mihi Maecenatem proposue-
 rim satis demonstrant. Augustum praetereo Pa-
 rentem Tuum insigne Regum decus, totiusque
 Germaniae desiderium, nec non LODOVICUM
 CAESAREM, MAXIMILIANOS, ALBERTOS, clarissi-
 mosque alios Proavos Tuos. Cui etenim non no-
 ti? Monumenta a vetustioribus ad recentiora lon-
 go ordine, et frequenti illos commendant. Ma-
 gna re vera haec sunt: sed cum omnia, quae ad
 Magnanimum, quae ad Optimum Principem spe-
 ctant Tu mirifice amplectaris, Majorum Tuorum
 virtutibus haereditario quodam jure tam clare ef-
 fulges, ut, si laudibus Te cumulare vellem, ad
 silvam ferre ligna viderer. Si vero non pro ope-
 ris pretio, sed pro humanitate Tua meum qua-
 lecunque opus volvere dignaberis, id non inuti-
 le futurum confido. Tu etenim laborem, quam-
 vis

vis tenuem, non despiciens, ingeniumque meum
erigens Socios scientiis operam navantes ad ma-
jora tentanda ita excitabis, ut a Te propositum Boi-
ca Academia, et quidem non exiguum, adipiscatur
incrementum. Hac loquendi Tecum ratione uti
non vereor, cum me non lateat, Te scire, publi-
cam felicitatem sitam esse in colendis scientiis,
disciplinisque amplificandis, et tamdiu illas auge-
ri, quamdiu eas favore Principes prosequuntur.
Hunc interim librum honori Tuo professione ob-
servantiae destinatum, si non laudandum, saltem
a Te, Optime Princeps, non repudiandum spe-
ro, si in mentem revocaveris, quod olim conci-
vis meus Plinius Tito Vespasiano dixit; *Rustici
et diis lacte, multaeque gentes supplicant, et mola
tantum falsa litant, qui non habent tibur, nec ulli
fuit visio Deos colere quoquomodo posset.* Cum ve-
ro curis, quas publico bono diutissime impendis,
mihi tandem parcendum sit, maturare, quod mihi
proposui, festino: Tibi opusculum commendo,
rectoque judicio Tuo probandum, et favori tuen-
dum exhibeo, quod si obtinero, nunquam alio-
rum judicium verebor.

Bea-

*Beatus ille, qui procul negotiis ,
Ut prisca gens mortalium ,
Paterna rura bobus exercet suis .*

Horat. Lib. Epo. Ode II.

NOI

NOI RIFORMATORI

Dello Studio di Padova.

A Vendo veduto per la Fede di Revisione, ed Approvazione del Pubblico Revisor *D. Natal dalle Lastre* nel Libro intitolato *Mororum Libri tres & Carminum liber Aloysii Comitis de Miniscalchi &c. Ms.* non v'esser cosa alcuna contro la Santa Fede Cattolica, e parimente per Attestato del Segretario Nostro, niente contro Principi, e buoni costumi, concediamo Licenza agl' *Eredi Carattoni Stampatori di Verona*, che possi essere stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Dat. li 12. Settembre 1768.

{ Sebastian Justinian Rif.


{ Alvise Vallareffo Rif.

{ Francesco Morosini II.^o Cav. Proc. Rif.

Registrato in Libro a Carte 358 al Num. 2545.

Davidde Marchesini Seg.

L. I.



L I B E R I.



Uae cura agricolis, viridi quis cultus habendae
 Sit Moro, ut satur expediat sua munera bombyx,
 Munera, quae ubertim dominos, ditantque colonos,
 Nunc patrii dicam ruris correptus amore.

Mollia tu mihi, Musa, refer plantaria primum, 5
 Quae teneras mittant matrum de corpore virgas,
 Ut pressae per agros, educulae falce, et aratro
 Assurgant: facili mecum dic carmine Morum,
 Donec adulta novam referat bombycibus escam.
 Morborum causas memora, plantasque ferendas, 10

B

Mo-

Moreſque, unde arboſ creſcat, quo ſidere frondes,
 Ingenteſque ſimul ramos, fructuſque tumentes
 Germinet. Hinc Latio veniet nova gloria vati,
 Dum induet aeternos Morus Thysbaeia honores.
 Benaci Nymphae, atque Atheſis, Dryadeſque feraciſ 15
 Kuris,adeſte alacres, vireſque augete labori,
 Quem nondum tentatum aliis nunc ordior audax.
 Arvorum Cybele cultrix, operumque magiſtra,
 Docta Minerva, precor, campeſtribus adnue coeptis,
 Sericidaeque, ſimul noſtris adſueſcite votis. 20
 Vos quoque virgineam Meliae mutare figuram
 Juſſae, fraxineoſque in ramos vertere corpus
 Dicturo Moros fauſto mihi numine adeſte.
 O et praefidium noſtrae immortale Camoenae,
 Bojariae, Europaeque decus, Clariffime Princeps, 25
 Quas modo tractabo non aſpernare Camoenas.
 Frugifero in campo, ſi adſit mihi dexter Apollo,
 Nunc Tibi de Moris primus viridiſſima tempe
 Frondiferis ponam, qua undis praeterfluit Iſter
 Regius irriguiſ, rapido qua flumine currit. 30

In

In medio mihi numen eris, campumque sacrabis.

Fronibus ipse egomet redimitus tempora Mori

Arguto fistro, aut tenui conspectus avena

Dona feram industri bombycum operata labore.

Inscribam foribus solemnī carmine laudes 35

Bojaridum, & virides palmas victricibus armis

Praemia digna. Inter praeclara trophoea superbum

Hic Istrum effingam, Rhenum, glaucumque Visurgim,

Qui Proavis auxere tuis memorabile nomen,

Hic Thraces addam fractos, urbesque subactas, 40

Augustas lauros, et regia sceptrā locabo,

Caesareasque Aquilas, quas inter crescere Gentem

Fata dedere tuam, nomenque extendere ad astra,

Auguror, atque aderunt precibus pia numina nostris,

Nomina disponam haeredum virtutis avitae, 45

Quaeve Tuae Genti felicia fata reservant,

Et quodcumque cupit plenīs Germania votis.

Interea faciles nostris da versibus aures,

Dum canere incipio teneras ab origine Moros.

Silvestres Moros veteres novēre parentes, 50

Attamen illarum virtus occulta peribat.
 (Lanivomos nondum bombycēs India nobisq; pedibant
 Miserat) arbor enim pallentia mora ferebat;
 Sed miserae ut vidit Thysbes lacrimabile fatum;
 Pyrami et interitum infelicis; et hausit amantium;
 Proh pietas! totum summa a radice cruorem;
 Purpureus subito fibras tunc alluit humor,
 Atque arbor penitus patrios oblita colores
 Sanguineo pinxit succo crescentia mora,
 (Vix equidem mihi credo) et dedignata vetustum
 Ipsa arbor nomen gelidae tunc nomine Thysbes
 Gavisa est, unde agricolis Thysbaea vocatur.
 Italiam imperio Gothorum Theja premebat.
 Barbarici mores, crudelia jura, cruentus
 Hinc furor, & vani ritus, atque arma furebant,
 Unde incompta comas, moerenti squallida vultu,
 Atque diu fatis oppressa jacebat iniquis.
 Instantis rabies Narsetis, & arma, rapaces
 Et turmae jamjam superantes Norica lustra
 Vastatum Italiae veniebant nobile regnum.

Argo-

Argolici immites, Longobardi, Gepidique,
 Atque Eruli, & rabidi Persae novâ vincula parabant, propi
 Talia sollicito volvens animo, obruta Hetus, co
 Infando, pectusque gravi perculsa dolore
 Hesperia in faciem cecidit, quæ regius undis
 Infubriae Eridanus pingues præterfluit oras.
 Tunc motus pietate imis patrem extulit undis
 Caeruleus frontem, cupidusque levare dolorem
 Narravit miserae, quæ abscondita fata premebant
 O belli nimium duris defuncta periclis
 Te fausti coelo superi ad meliôra reservant;
 Sed te multa manent: nondum fortuna revolvit
 Adversas fortes. Gorthorum jura rapaces
 In Graecos primum cedent; horum arma feroces
 In Longobardos. Illorum hinc omine iniquo
 Tu Regem excipies primum, qui vulnere caesus
 Sanguine te sparget turpi: hinc patiêre sequentum
 Flebile servitium: at tandem tibi Gallia Regem
 Egregium adducet pariter pietate, vel armis
 Hic Pipinus erit generoso sanguine cretus,

Qui leges statuet, moreſque docebit, & artes
 Ingenuas: hic ſanctae Religionis honorem
 Labentem, et templa exoſis vaſtata rapinis.
 Inſtaurabit: opes ſimul, et veneranda dicabit
 Tempſa Deo, et turres altas, quas ſera nepotum 95
 Progenies laeta in longum mirabitur aevum.
 Ille Aquilas Romanas dudum hoſtilibus armis
 Italia ejeſtas referet, queis præcèrit armis
 Bojaridum Soboles, qua non generoſior ulla.
 Francorum obruet imperium Germanicus Otho 100
 Caeſareas revehens lauros, Oenotria regna,
 Quae longa ditione regent: ſed marte cruento
 Urbes Auſoniae fractae, populique furore
 Barbarico oppreſſi pro libertate triumphis
 Deſuetas dudum tûrmas in bella vocabunt, 105
 Numina ſi ſaveant, olim & tu libera cives
 Educes fortes patriis fruitura parumper
 Legibus: at veſana iras diſcordia verſans:
 Italicas vires in patria viſcera vertet.
 Quot fluctus volvam civili ſanguine rorans! 110

Tot casus inter Martis, stragesque tot inter

Adriaco Veneti surgent de littore Patres,

In crudos hostes latūri ultricia signa.

Romanum robur, virtusque hos fida sequetur,

Unde hederæ clarorum debita præmia vatum, 115

Palladiaeque artes floreunt : alma redibit

Pax, et Religio, pietas, legumque verenda

Vis, Saturnique adducet tibi saecula, solem

Dum referent anni, pleno dum flumine curram.

Supplicio mulctare malos, et munere doctos 120

Erigere, et tandem mundo aurea reddere saecula,

Urbibus, et populis mites imponere leges,

Invictisque armis hostes superare superbos,

Et servare fidem socio, et succurrere amicis,

Patriæ erunt illis artes. De littore Eoo 125

Aethiopes tandem bombycum semina Nymphae

Vectabunt, opibusque novis tibi restituent rem.

Sic ait Eridanus, seque altis merfit in undis.

Se extulit Italia, et palmas ad fidera tendens

Sollicitis precibus tunc numina sancta rogavit, 130

Tali-

Talibus auguriis ut faustis auribus adsint :

Nec vanae rediere preces, nec vota precantis.

Turgidus interea Mavors sine more furebat,

Et Totilam Narfes armis urgebat, et igne,

Italicaeque urbes bellis crudelibus actae, 135

Oppressi populi trepidabant, flumina, et alpes.

At Deus Hesperiae crudelia fata misertus

Ex Indiis tandem coelestia dona parabat.

Unanimes siquidem bombycum semina Nymphae

Imposuere rati, quam conscendere venustae, 140

Et Seras, patriosque simul liquere penates.

Erexere citi malum, cui plena dedere

Lintea nautae, auraque levi tumefacta volabant:

Undaque profiliēbat circum pressa natanti

Navigio, et celeri crepitabat fracta carina. 145

Interea auriferas Gangis cava transnatat undas

Navis, et attingit Borneum, Sumatramque relinquit,

Abruptisque legit Sundae freta confita saxi,

Et nemo omne fugit nautas, montesque recedunt.

Jam tenet Oceanum puppis tumido aequore vecta; 150

Prora

Prora agitur rapido cursu, stridentque rudentes
 Pondere ventorum. Volitant noctuque, dieque
 Sericidae. Novies ut Luna peregerat orbem
 Omnibus apparet tandem procul Africa tellus.
 Gurgite jactatis statio tutissima nautis 155
 Spes bona nautarum (hoc dixerunt nomine patres)
 Se capite extollit nemoroso, aperitque virentes
 Oras, vitiferaeque plagas. Consurgere remis
 Adnixi hortantur focii, et clamore vocare
 Optatam incipiunt terram, portumque patentem 160
 Ingreditur puppis. Diuturno errore viarum
 Fessae exjere Deae, et laeta tellure potitae
 Instaurant vires. Epulis, lymphaque recenti
 Navem onerant comites, et dulcia vina reponunt,
 Quae sacris preffit manibus pater ipse Lyaeus. 165
 Post ubi dissolvunt tuto retinacula portu:
 Littore diripiunt funes, et carbasa ponto
 Restituunt, calidasque ratis praetervolat oras;
 Deferit et Congum: at nautis calidissimus orbis
 Impendit, quorum supra caput astitit ardor; 170

Zona etenim medio fervescit torrida coelo .
 Languentem circum turmam calor occupat ingens ,
 Immensoque mari late immota unda quiescit .
 Incumbant cuncti remis , et caerula verrunt .
 Praetereunt tandem ferventia sidera . Lassis 175
 Denique confurgit nautis Guinaea , virensque
 Arboribus portus , flavoque Canaria baccho
 Conspicitur dives ; dilecta Madera Lyaeo
 Exhibuit vinum nautis , carnesque recentes ,
 Et panem , et nitidis haustas de fontibus undas . 180
 Herculeas subeunt postes , ignotaque priscis
 Sericides intrant gaudentes limina , ovantes
 Et socii superant Balearica littora tandem ,
 Sardiniaeque ferax litus , litusque Sicanum .
 Post varios coeli casus , pelagique procellas 185
 Tunc Deus , ipse Deus Zephyris afflavit amicis ,
 Et ratis Adriaco vehitur levis aequore . Amoenas
 Sericidae lustrant oras , urbesque marinas ,
 Dein venere Athesis felicia ad ostia . Pinguem
 Hinc contra terram pendentes carbasa totta 190
 Dedu-

Deduxere viri, illisque alta nave repostis
Aptarunt malum : longos legere rudentes,
Remisque adnixa proram traxere tenaces
Mittentes pelago dentes, puppemque ligarunt,
Aethiopesque Deae curva potiuntur arena. 195
Tunc herbosa simul tenuere sedilia Nymphae
Optata demum laxantes membra quiete.
At Genii, Ausonias qui urbes, camposque tuentur,
Incessumque gravem mirati, habitumque Dearum
Certatim occurrunt laeti, Nymphaeque, ratemque 200
Hospitio excipiunt : fructus, quaeque Itala tellus
Producit dono tribuunt. Perquirere cuncti
Certabant, unde et veniat, quove acta carina
Tendat iter, quodnam fidus, quae patria Divis.
Tum vero ante alias, praestantior ore loquuta est. 205
Aethiopas, Indosque feros, Arabasque perosae
Fraudibus addictos populos, gentemque rapacem
Liquimus, et Seræ patrias abdiximus oras.
Semina bombycum abducentes munera nostra
Fugimus agricolas vili torpore jacentes, 210

Casibus et variis functae post mille pericla
Et coeli, et pelagi his postremum adlabimur oris
Optamusque novas sedes, melioraque nobis
Sidera: sed Genii excipiunt his plura volentem
Profari verbis. Nymphae salвете beatæ. 215
Prisca Urbs, nec vestris fortasse incognita fastis,
Notaque Romanis, Thuscisque annalibus amplo
Gaudet agro Verona, Athesis quam vortice curvo
Alluit: hanc regionem alacer, patiensque laborum
Accolit agricola, ingenio civesque sagaces 220
Artibus ingenuis florent; mitissimus aer
Hic valles humiles simul, et juga plurima mulcet;
Hic vobis sedes apta, hic bombycibus aer
Dulcis. Cui Nymphae tum sic: Uno ore fatemur
Talia non audisse modo sine numine Divum, 225
Quapropter monitæ felicia fata sequamur,
Vosque omnes comitesque viae, sociosque precamur.
Interea nautae educunt de littore puppim,
Quam Geniique, Deaeque simul laeto omine scandunt.
Certatim malis jaciunt retinacula ab altis, 230
Atque

Atque illis robusta Boum modo colla ligarunt ,
Unde ratis curvo trahitur de littore pigra ,
Jugiter adverso cui decursu unda resistit .
Jamque casas fugiunt constructas carice vili ,
Quas posthac Venetorum elata potentia coelo 235
Aequavit , fluidasque industri cum arte paludes
Perdomuit primum , illasque ignota lege coegit ,
His super imponens ingentia saxa , superba
Unde theatra peregrino de marmore surgunt ,
Candentesque auro turres , et templa , Quiritum 240
Regales sumptus , formam simulantia , et artem ,
Quid non vicit amor recti , et concordia Patrum ?
Unde tot , et tantis operum superata miraculis
Natura obstupuit , seque altis merfit in undis .
Mox Silvae Laurorum apparent , inde salicta , 245
Populeumque nemus praetextens frondibus amnem ,
Umbriferae et Platani ferientes vertice coelum .
Interea Nymphae confertas undique ripas
Arboribus lustrant , elatas turribus arces
Nautae praetereunt , aedes , et amoena vireta , 250

Fontesque irriguos. At nostros denique Nymphae
Devenere locos, puppisque his constitit oris.
Nec mora. Desiluere Deae, Geniique sequaces
De prora sua dona tibi, Verona, ferentes
Semina Bombycum, quos educat Indica Morus 255
Sponte sua, occultumque diu docuere saporem
Arboris, et succum frondis, quo pabula gustet
Gens nova bombycum flayum expletura laborem
Sericei, Italia unde ferax ditesceret auro.
Neglectas olim omnino, spretrasque coloni 260
Circum avidi Moros exquirunt quaque per arva.
Collegere novos fructus vitale daturus
Semen, quo felix arbos affurgat in auras,
Semen et ignotum laeti sparsere per agros
Exiles plantas visuri sero nepotes. 265
Pan vero capripes, cultis qui praesidet arvis,
Comperit et terrae naturam, pondus et aurae,
Sudorem vanum, et curas miseratus inanes
Agricolas docuit Moris decerpere tortas
Radices, rectoque illas substernere sulco, 270
Cer-

Cernimus unde solo faciles frondescere plantas,
Quae de virgultis citius, quam e semine surgunt.
Sunt tamen antiquo, qui mora tumentia fune
Terque, quaterque fricant, donec se semina poris
Insinuent tumidis: gravidum tellure recondunt 275
Inde levi funem expectantes denique frondes,
Quae tarde veniunt. Hoc attamen experiendum his,
Quos juvat incertos naturae discere ludos,
Agricolis male conveniunt nam talia nostris.
Si succo verum corrupto morbida Morus 280
Quandoque exturbata solum vitiaverit, illi
Tu male sufficies Mororum e corpore virgas
Si elicias: melius puro de semine natum
Virgultum, etsi foedatis,adolescere cernes
De foveis, illius namque salubrior humor 285
Crudae emendabit vitium telluris acerbum.
Providus haud tamen omnino aspernabere curam
Mororum, foecundo quae de semine surgunt.
Arbore de ingenti foecundum semen habebis,
Industri collecta manu si mitia mora 290
Sole

Sole sub aestivo exponas, cum torridus orbis
Fervescit, donec succo exsiccata tenaci
Arescant . Leviter digitis illa inde fricando
Deglubes facile tenuissima semina, humoque
Demittes pingui . Assurgent virgulta pusilla, 295
Mollesque emittent tenero de corpore frondes,
Quas vix aspicias culto pubescere in horto
Depones inter plantaria, donec aperto
Sint credenda solo . Telluri impendite curam,
Arva parate animis, et spe praesumite fructum. 300
Vomere si agricolae curvo tractabitis agrum,
Silvester quamvis fuerit mansuescere discet,
Mororumque altas frondes alet ubere pleno .
Terra, fretumque immensum, quod fere continet orbis
Jam satis arma trucidis late nutantia Martis 305
Sustinuit, tandemque reduxit ad arva colonos
Laeta Ceres, mutavitque enses vomere crudos .
At te juris amor patrii, quo saecula beata
Bojaridae ducunt, Themis sanctissima, Legum
Unde vigor, Pallas qua florent alta virorum 310
Inge-

Ingenia, et virtutis amor, pax denique firma
 Venturas Te inter bellorum sospitet iras.
 Posthabito Marris studio almas inter olivas,
 Et virides inter lauros Thymbræus Apollo
 Magnanimo Augusto vatum sacra dona dicabat, 315
 Dum Roma alta fuit: nostras Deus ipse Camœnas
 Nunc Tibi sacrabit: facilis mea suscipe dona,
 Parva etenim sunt dona, Tuis tamen apta colonis:
 Tu siquidem instituis populos educere Moros,
 Vindelicosque agros alieno munere diras, 320
 Argentoque ad opus gentes compellis, & auro,
 Laetior unde fluit peregrinis frondibus Ister.
 Ipse ego carminibus Mororum jura, modosque
 Complectens curæ fortasse novae utile coeptum
 Exequar agricolis cythara cantare paratus 325
 Primi magnum operis pretium, fructumque laboris.
 Quae teneris primum sedes sit idonea Moris
 Quaerendum. Coeli posthac praediscite morem
 Cultores, habitumque loci, terraeque vigorem:
 Quam patiatur humus curam, quamve illa recuset 330


D

Inspici-

Inspecite industres . Cunctarum peffima , glaucæ
 Qua crescunt Salices , Platanique graves , silvaeque
 Populeae : fatis apta foret , quae ad sidera Quercus
 Educit patulas , Ulmosque , sed aptior illa ,
 Quae Vites patri generoso addicta Lyaeo 335
 Foecundas faciat : Nymphas amat ipse Lyaeus .
 Sericidas , Morisque lubet , quod Vitibus aptum est ;
 Idcirco plantis opportunum elige campum .
 Ut nimbofae Hyades priinum coelo humida nobis
 Solstitia autumnī referent dispone colendam 340
 Tellurem : quoquoersus hanc dimove aratro ,
 Et recto produc , transversoque ordine sulcos .
 Hirsutas valido fentes avelle ligone ,
 Silvestresque herbas , dentatoque hurspice totum
 Occabis campum , scrobibus quem divide posthac 345
 Alternis , coenoque illos saturabis opimo .
 Haec ubi , brumalis Boreae penetrabile frigus
 Digestam mulcebit humum , noctesque rigenti
 Argentes bruma arctabunt , pluviaeque resolvent .
 Vix aries tepidas cornu diverberat auras , 350

Et

Et



Et magis expanso circum Sol volvitur orbe,
 Eja age follicitus mordaci inverté ligone
 Tellurem, rastrisque herbam infectare malignam.
 Sparge fimum manibus plenis, glebasque resolve
 Informes: confringe solum, nec parce labori, 355
 Donec humus similis cineri sit pulverulentae,
 Ac molles veluti anemones, violaeque serendae,
 Narcissique forent. Gravidis sit matribus, oro,
 Terra levis, prolem ne ingrato pondere gleba
 Obruat. Expedies primum tua jugera: cultam 360
 Complanabis humum, quam sparges stercore crasso,
 Funditus ut pingui sueco electum excoquat agrum.
 Directos scrobibus sulcos hinc divide apertis,
 Quos pinguique fimo largus, putrique viarum
 Pulvere perfundes. Cum vero nubibus imbres 365
 Profiliunt tepidi, & mulcentes leniter auras
 Aspirant Zephyri, & tellus genitalia poscit
 Semina, de nitida radices elice Moro,
 Quas coges in foveas, multoque labore fovebis.
 Caudicibus sectis tellus versanda ligone est. 370

Insta operi: has scrobibus fossis depone; secundam
Tres ulnae a prima sejungant: regula passim
Una sit haec, eademque tibi mensura sequentum,
Et pariter porcas, pariterque metabere campum.
In tumulos posthac directos erige sulcum, 375
Obruat ut tellus elato culmine stirpes,
Spemque renascentem foveat, coeptumque laborem.
Quantumvis opus ingemina simili ordine: plures
Si fuerint matres, natos a stipite plures
Educes: sed coeptrae indulge regulae in unguem, 380
Ut tibi Mororum citius plantaria crescant.
Cultum ubicumque locum vallabis sepibus altis,
Agrestes tribulos, hirsutos congere vepres,
Providus unde tuum circum tuearis agellum:
Sic genus omne boum arcebis, pecudesque tenebis, 385
Ne teneras frondes discerpant dente rapaci.
Namque venenato veluti mucrone lacertum
Si humanum peteres, foret insanabile vulnus,
Naturaeque, herbisque simul spes nulla maneret,
Quippe artus sensim virus triste occupat omnes; 390

Haud

Haud aliter pecudum indigno morfu lacerata
Germina Mororum languent, et protinus humor
Funditur internas infectus ad usque medullas,
Unde jacent passim viduum infoecunda per agrum.
Quae siccam nutrit terram, quae temperat imbres 395
Cunctarum dives rerum natura creatrix
Assidue addit amica tibi, faveatque labori,
Dique, Deaeque juvent orituras omine Moros
Propitio, & glaciem avertant, tristemque pruinam.
Nympharum, Dryadumque chorus permulceat auras, 400
Et Zephyros moveat, pluviasque per aethera lenes.
Vermiculos cohibete malos, tineasque dolosas
Vos quoque capripedes Fauni: gens lurida, cultis
Gens inimica agris, duris invisa colonis
Peste gravi foedat campos, et devorat imas 405
Radices, perditque orientia germina morfu.
Tende manus supplex, donisque precare feraces
Et Nymphas, fausto ut servant tibi numine plantas.
Jamque celer Taurum conscendit Apollo micantem,
Et rapido cursu mites praetervolat auras, 410

Et

Et quaecumque suum ad munus genitalia poscit
 Semina telluris. Surgunt de palmite gemmae,
 Foecundaque novi revirescunt arbore flores,
 Matribus hinc teneris primam pubescere prolem,
 Et raptim terra cernes affurgere germen. 415
 Hic sudor, labor hic ingens, hic sedula cura
 Haud mora: cum subito Thysbea pullulat arbor,
 Nascentes intra frondes circumfode parvas
 Sollicitus caveas, terra ut rimosa cadentes
 Ebibat intus aquas, humoremque ingerat imis. 420
 Stirpibus, atque animos plantae a radice bibaci
 Extollant. Herbas edet sine semine natas
 Pingue solum; Loliumque nocens, agreste Papaver,
 Verbascum, Cythiusque gravis, Calaminthaque amara,
 Malvaque cum Tribulis, Urtica, et pessima Lappa, 425
 Et gramen. crescet meliori uligine pastum:
 Nata recens arbor tot cederet hostibus acta:
 Idcirco marram exerce, manibusque nocentes
 Sollicitus divelle hostes. Nova fidera Titan
 Interea intrabit Geminos. De stipite matres

430

Jam

Jam fruticant passim: surgit jam vivida proles,
Quae a radice nemus crescenti germinat ingens,
Ostentatque operis pretium, fructumque laboris.
Qualiter clatus fornacis culmine fumus
Apparet primum tenuis, mox vortice in auras 435
Increscit duplici, triplicique augetur eundo,
Sic itidem densas cernes adolescere frondes:
Quapropter nimio natorum pondere fessae
Debita radices illis alimenta negabunt,
Quos medio passim aspicias languescere campo 440
Elige de ramis octo, discerpe minores
Matribus e cunctis: proli sic ubera abunde
Sufficiant illam meliori humore fovendo.
Dum Cancer, calidusque Leo ferventibus urget
Mortales auris, tenuesque per aera nubes 445
Congerit, a sicca unde acres tellure vapores
Tolluntur, tenuesque simul glomerantur, et inde
Praecipitant cruda concreti grandine nimbi,
Qui segetes populantur, agros, curasque colonum;
Tunc validis superos votis, precibusque movere 450

Est

Est opus, ut rabidae repressa grandinis ira,
 Foecundo plantas humectent imbre tenellas,
 Quae veluti a molli pendentes ubere matrum
 Nati aetatem praevenient, annosque tumentes.
 Succedent alii abrafis a stipite ramis; 455
 Attamen electos vigilans serua, amputa ineptos.
 Eminus hinc illos cernes educere frontem.
 Quae sese trudent medio de cortice frondes
 Nunquam luxuriare sinas; sed saepe magistro
 Pollice carpendae: Falcem prohibebis aduncam; 460
 Lactea dum Morus tenero de cortice frondes.
 Emittit primas, formidat ferrea falcis
 Vulnera. Cum referet quadrigam Virgo diurnam,
 Utere mox rastris, validoque incumbe ligoni:
 Verte cito glebas, extirpa funditus herbas; 465
 Crinibus ut coelo flavis Aurora refulgens
 Alma parens lucis nocturno ex aethere lentas
 Molliter aspergat radices rore feraci.
 Humida cum noctes aequabit Libra diebus
 Paulatim languens natura, annusque senescet, 470

Et

Et plantis deerit sensum vegetabilis humor;
Languidus humor enim illas, aegraque vita fovebit.
Tunc tibi nulla quies: glebas, agrumque fatiga,
Finde iterum sulcos stirpes prope virgultorum,
Quas coeno, tenuique fimo saturare memento. 475
Effossis scrobibus dextris hinc, inde, sinistris
In tumulum tellus confurgat, et incubet altis
Matribus. Interea brumali Scorpius astro,
Arcitenensque furens Ulmis, et Vitibus omne
Decutiet folium. Caper, et gravis Amphora noctes 480
Producens, rigidas, glaciem, duramque pruinam,
Argentesque nives, hyememque Aquilone vocabit.
Putre lutum vero tellurem frigore duram
Mulcebit simul, et radices inde fovebit.
Ac veluti navis jactata per aquora ab Austris 485
Ingreditur portum: fessus fluitantia vela
Deducit nauta, et funes componit in orbem,
Egressique viri exoptato littore gaudent,
Aequoreosque canunt errores carmine dulci,
Tranquillosque dies ducunt, atque otia carpunt 490

E

Dudum

Dudum expectata laxantès membra quiete,
 Dum Zephyri rursùm spirantes vela reposcant;
 Haud aliter rastrum, marram, curvamque repone
 Falcem. Declinans glaciale frigidis iram,
 Castaneas fumanti agitatàs igne camini 495
 Divide cum natis lætus, cum conjuge cara:
 Utere concreto lacte, utere melle reposto,
 Et veteri praebe spumantia pocula baccho.
 Non exi e laribus, tepidos nec linque penates:
 Sic Boreae rabiem poteris, ventosque minaces 500
 Fallere, et ad multam somnum producere noctem;
 Quin etiam levibus terram pulsare choreis
 Fas erit, et voces percussò reddere sistro
 Auditas, puerosque iterum recreare Lyao.
 Dum vero Pisces hyemalem ex aethere cursum 505
 Absolvunt, notis compone manubria rastris,
 Runconem exacue, scabra rubigine marram
 Providus absterge, positumque resume ligonem.
 Jamque anguis mites auras, Solisque teporem
 Nudatus veteri liventia tergora pelle, 510

Delibans

Delibans primus caveis, lustrisque relictis

Testatur reduces veris redeuntis honores.

Tunc opus est aurae inversas ostendere glebas,

Saevitique hyemis maceratum vertere campum.

Telluris primum fastigia summa ligone 515

Aequabis sulco: coenum confunde sepultum

Exteriore solo, quod rastris inde fatiga,

In rectam donec salebrosum aequaveris agrum

Planitiem. Recto geminos tunc tramite sulcos

Duc matres circa: hinc virgas torquebis in arcum, 520

Quem patulis commissum fossis cogere tractus

Est opus ad longos. Praesae propaginis arcus

Exspectant sulcum, et vivam plantaria terram,

Hinc sextam campo gemmam submittere oportet.

Indulge ordinibus: dextros, ramosque sinistros, 525

Huc illhuc aequae discernes limite quadro,

Matribus hinc totidem culta tellure subactis

Octo aderunt nati, similemque metabere campum

Sollicitus reliquis; tunc summo margine binis

Effossis scrobibus tolles utramque viarum. 530

Partem, unaque tuum quadrabis lege laborem,
 Sic facilis vires tellus dabit omnibus aequas.
 Tramite dispones Moros non secius omnes,
 Ac certans bello immani cum saepe Boruffus
 Explicat instructa longas legione phalanges, 535
 Directasque acies format; tunc agmen aperto
 Stat campo, et paribus late vix fluctuat armis;
 Sic patulo dederis campo plantaria solers,
 Cunctaque erunt paribus spatiis divisa viarum.
 Cum vaga Cecropiis primum discedet Hirundo 540
 Finibus, et pelagi tepidas praetervolat undas
 Hesperias visura casas, nidosque relictos,
 Jucundosque dies referent, pluviasque Favoni
 Spirantes, stratae tumuli sub tegmine matres.
 Mororum dudum exoptato humore madebunt, 545
 Et frondes sensim attollent a stirpe tenellas;
 Quae forti coalescentes radice parentum
 Vitali fibras succo, tenerasque medullas
 Expandent, fumidos unde utilis esca meatus
 Irrigat, ac veluti exhaustam cava cochlea in auras 550

Tollit

Tollit aquam. Plures nitido de cortice gemmæ

Producer Morus succo saturata feraci.

Virgultis vero nimium ne crede superbis,

Quin scindes eadem cæsim a propagine summa,

Ut nulla in toto consurgant amplius agro. 555

Naviter hinc vigiles nati virgulta recisa

Fasciculis aptent, quos intra sæcta reponant,

Et plenis referant calathis fordesque casarum,

Pulveremque viae limum, quem injicere truncis

Est opus abrasis, validis qui viribus aucti 560

Extendent late crescentia fila per agrum,

Plantamque extollent sensim a radicibus imis.

Cum Philomela suam a viridi vocat arbore Prognem

Communem repetens moerenti gutture casum:

Cum pecudes pratis lascivæ munera nota 565

Exercent Veneris, densissima pullulat arbos,

Et natura movet foecundum a semine succum.

Vulneris expertes primo tum germine sectis

De virgis gemmæ pubescent: Ordine longo

Hinc teneræ exhibunt frondes, quas crescere passim 570

Lacteo-

Lacteolumque caput cernes protendere in auras,
 Ac veluti foetus informes fingit in artus
 Urfa suos, linguaque levi illos sedula lingit,
 Perfecti donec referent nova lumina mundo,
 Haud aliter graciles Moros, rastrisque, manuque 575
 Affidua pius ipse coles. Defende tenellas
 Frondes, crescentesque male a radicibus herbas
 Deturba, flores tellus ne ingrata malignos
 Educet. Exiguos digitis decerpe remissis
 Ramos, ut tantummodo singula proferat arbores 580
 Majorem. Sicut plures enixa lycisca
 Si interdum catulos pleno licet ubere cunctos
 Sustineat, nati foedo squallore rigeunt
 Tergore deformes, haerebitque arida pellis
 Offibus incurvis, deeritque his robur avitum, 585
 Unde minas pavidi metuent, vocemque molossi:
 Si tamen avulsis aliis praestantior unus
 Pendeat uberibus, jactabit robur avitum,
 Et nictu horrificum hunc metuent, et voce molossi,
 Sic ramus pariter, qui altus supereminet omnes, 590

Foecundae passus vitali humore parentis
 Fortior augebit frondes, tolletque superbus
 Cervicem, et quamvis gracilis, tamen arboris umbram
 Ingentis late sternet. Crepitantibus Austris
 Leniter, et pluvii tepido labentibus imbre 595
 Protendunt ramos aurae, quos aethere Phoebus
 Erigit a puro. Vix binum expleverit orbem
 Cynthia, prospicies circum ridentis adultam
 Spem campi, audacesque solo confurgere virgas,
 Germinibusque novis miti colludere vento. 600
 Tu marra campum versa, tu frange supinas
 Hinc glebas: rastro conjux, natiq̃ue tenellis
 Divellant herbam digitis, ut ventilet aura
 Nil nisi Thysbaeas frondes. Ceu saepe magistri
 Solertes suescunt pueros huc flectere, et illuc, 605
 Atque illos aequi specie formare, et honesti,
 Virtutisque viam, faciemque ostendere recti,
 Nunc ferulam invisam tractantes, saepe monentes:
 Cereus hos animus patitur quodcumque doceri;
 Impiger haud aliter dociles tu dirige virgas, 610

Et So.

Et Solem, coelumque arctas coge tueri,
 Ne indocili pronam flectant a stipite, frontem,
 Durius unde foret curvas sustollere plantas.
 Si crudo curvetur iners arbuscula ab Austro,
 Roboreo hanc vallo fulcire inemento: minaces
 Sic Morum contra ventos durare docebis,
 Arctamque solo coges attollere frontem.
 Glauca salix illam constringat vimine lento.
 Quot gemmae Mori turgebunt parte ab utraque,
 Tot pariter frondes crescent, totidemque subibunt 610
 Et frutices: verum hi surgenti debita plantae,
 Imminuent alimenta, igitur levioribus illas
 Decuties digitis: caveas tamen ulla cicatrix
 Ne laceret librum, namque immedicabile vulnus,
 Immatura licet, flammis arbuta voveret. 615
 Jamque Corurnices fulcantes aera pennis
 Ut primum referent reditum, terrasque revisent
 Hesperias, siccumque Canem, plenamque sequentes
 Aestatem augebunt late ramos, frontemque tumentem
 Attollent Mori: prudenti tu artamen omnes 630

Scir-

Scirpicula obtundes, ut te cum vertice tantum

Aequent. Interea attractus radicibus humor

Notas ascendet fibras, gemmasque supremas

Tentabit, compressusque acri vulnere sese

Altior extollet, cursumque revertete ineptus 635

Uvidulas rumpet gemmas utrimque tumentes,

Et sensim extrudet tenero de cortice ramos.

Non aliter tellurem cum acrior aestus hiulcat

Prata rigaturus tenuem persaepe colonus

Praecludit rivum; modice primum emicat unda, 645

Et leviter laxat cursum : tumefacta moratur;

Sed valvis qua interclusis retruditur altus

Ancipiti rivus circum se vortice volvit,

Denique contiguas turgenti gurgite ripas

Garrulus exsuperans flores circumfluit aegros, 645

Pratumque instaurat, languentemque erigit herbam.

Frondebis eductis simulabunt arboris altae

Hinc virgae formam : effundent cervice tenellas

Inde comas, nitidoque e corpore brachia pendent :

Brachia velle tamen rectas erupta per hastas, 650

F

Ut

Ut melius summo crescant de vertice crines,
Ramosque attollant teneros, umbramque novellam
Sustineant plantae. Interea ferventior annus
Torrebit campum, et paulatim languida Morus
Deficiet. Tum imbres precibus, pluviasque vocare 655
Incipies. Sicca ac veluti qui febre laborans
Optat aquam, linguamque cupit mulcere perustis
Faucibus haerentem: pateram bibit ille rapaci
Ore redundantem, et simul ebibit ille salutem;
Lenibus interfusa comas sic imbris, ante 660
Demissas Morus frondes evolvit in auras.
Stridentes cohibe tenebroso in carcere ventos
Aeole, ne teneras immani pondere plantas
Incurvent, ramisque novos praedentur honores.
Interea agricolae madefactum vertere marra 665
Incipiant campum, rastroque aequare tenaci,
Ne immodico tellus ardore coacta suavem
Respuat humorem: nimium fatale tenellis,
Juppiter! exitium arboribus, jacturaque acerba.
Tu male nascentes frondes decerpe nitenti 670

Cortice

Cortice; de Moris frutices tu diripe inanes,
 Sic late crescens majorem arbuscula silvam
 Augebit. Totum te haec sedula cura fatiget,
 Dum tenuem longa noctes caligine vincant
 Titanis lucem, et pallentia frigora campis, 675
 Arboribusque Aquilo frondum discerpat honorem.
 Cum tristis comedens corrupta cadavera cornix
 Praedicit miseris rigidum pastoribus annum,
 Et detestatum frigus, crudamque pruina,
 Tum teneras sulco radices detege recto, 680
 Quas intra cinerem largus jactare memento,
 Cui misce veteri lignorum quidquid acervo
 Restiterit pluviis corruptum, atque aere aprico;
 Inde scrobes foliis confertos verte, lutoque
 Transfosso sulcos aequae compone novellos. 685
 Congestam circa matres cumulo aggere terram,
 Quae exiles plantas glacie redeunte fovebit.
 Fragmina aristarum, festucas congere putres,
 Quisquiliaeque leyes, quae aura iactantur inani,
 Et tennes spicas, grano quas area dives 690

Sejanxit pingui, quasque horrea plena recusant.

Prodigus his operi surgentia culmina, canae

Ut labefacta evanescat vis cruda pruinae,

Stercoris atque repor radices nutriat arcens

Saevitiem nivis, atque instantem frigoris iram.

695

Interea posita poteris requiescere marra,

Sudatisque modo curis imponere finem.

Sit vero natos tibi sedula cura docere

Morum leges, praeceptaque tradere nostra,

Dum conjux dilecta, simulque puella camino

700

Innixae obscuro libratum pollice torquent

Fusum fallentes diuturno frigore noctes

Ingratas nimium. Haec olim didicisse juvabit;

Nam pueri crescent; cum ipsis quoque cura adolescet

Augendi Moros, quorum inde fruiere labore,

705

Sericeis etenim ubertim ditabere donis,

Cum matura toris iungenda puella marito

Exposcet dotem, late censu auctus avito

Impiger immodicae expedit impendia dotis,

Atque sequuturum Martis victricia signa

710

Tu

Tu galea poteris natum, phalerisque superbis,
 Quadrupede instruere insigni, et fulgentibus armis.

Ut viridis primum flores producet aprilis

Affidue teneras solers noto ordine Moros

Excole, quod perages donec Sol expleat orbem. 715

Ast ubi ver quartum nobis traduxerit annum

Matribus haerentes dudum mox carpere plantas


Incipiat cultor, campisque exponere apertis.

Tu tamen incepto vigilans non parce labori,

Nec turpi squallere finas rubigine marram. 720

Saepe tenax rastrum tracta, perfaepe ligonem,

Ne parere tibi tellus neglecta recuset. 722



MO-



M O R O R U M

L I B R I I I I .

L I B E R I I .

THE JOURNAL OF THE

ROYAL ANTHROPOLOGICAL INSTITUTE

OF

BRITAIN



L I B E R II.



Athenus, ut flores, munitas sepibus altis
 Mororum virgas, fugentesque ubera matrum
 Diximus: at matrum ereptas de corpore plantas

Nunc canere incipio, et sparsas per aperta locorum;

Alma Ceres, quae ruricolae, agrosque tueris, 5

Parva quidem posco, campestribus adnue coeptis.

Tu unica spes miserae Italiae, tu numen amicum

Nunc nobis superes. Postquam lacrymabile fatum

Res Italas fregit, veterique furore parentum

Incluta regna olim summam traxere ruinam 10

G

(In-

(Infantes Inimus discordis crimina Romae)
 Palladis, et Martis patriae cessere coronae,
 Qua reges Italo vivebant numine laeti,
 Qua gentes quondam Ausonia dititione coactae
 Parebant nobis. Artes abiere vetustae, 15
 Atque alios peperere procul sibi Maecenates,
 Qua populi inculti, et turpi caligine mersi
 Degebant, habitumque rudem, moresque gerentes
 Barbaricos. Sed, proh pietas! proh dedecus ingens!
 Tot vicibus, fatisque diu crudelibus aëri 20
 Ex belli, et pacis morem modo, juraque coeci
 Illorum sequimur, vestemque imitatur, et artes.
 Alma mihi Pallas, quaeso, succurre canenti,
 Si Italiae numen vivis, spesque unica nostrum,
 Te incepti numen cursus, comitemque repesco. 25
 Hic quoque Pierides, dum agrestia munera tracto,
 Ferte pedem, facilemque mihi concedite avenam,
 Quas curas Dominus Moris impendat alendis,
 Dum expedio, et durum agricolis propono laborem,
 Mororum varias leges, moresque docendo. 30

Ter-

Tertius exactis binis ut venerit annus,
 Angusta horrescunt tumidae plantaria Mori.
 Arva igitur rimanda tibi, explorandaque tellus.
 Circumquaque locos statues, queis vere novellae
 Sunt committendae plantae. Qua forte negarit 35
 Ubiorem agris succum natura, fluentes
 Cum desint fontes, elato, qui aggere circum
 Deducti sejungant arva propinqua, vetusti
 Securo statuere aravi pro limite sepes
 Dumosas, illasque attrito tramite circum 40
 Clausere, et passim praegrandia saxa locarunt,
 Vel laetae Cereri, summove dicata Tonanti,
 Quae agricolae moneant tardos, pecudesque rapaces,
 Mollia ne ruris laedant fata dentem maligno,
 Abstineantque avidi pariter robusta coloni 45
 Plaustra : tamen Cereri melius quam frigida saxa,
 Atque Jovi potius solers pro limite inertis
 Mororum quoquo versus juga longa sacrabis,
 Quae a vestris alios sejungant finibus agros,
 Non minus ac steriles sepes, cipposque rigentes 50

Innocui agricolae fugient revirentia signa,
Declinans igitur campi de margine passus
Tres unca foveam marra tu confode apertam,
Et quinis latam, pedibusque metare profundam
Trinis, et paribus foveis tua jugera cinge. 55
Inde peragrabis campos. Solertia partes
Non fugiat vacuas arborum; quo incipit altus,
Definit et fulcus: quo autem versura patentem
Dividit ultima agrum caveas circumfode solers
Margine depressas quoquoversus bipedali, 60
Et quinque emensas ulnis has parte ab utraque
Quadrabis scite. Nunquam te glarea cruda,
Non te calculus exanimet. Thysbaea lapillos
Arbor amat tenues: radices quippe meatus
Pervadunt citius: tellurem horresce palustrem, 65
Argillamque albam, haec Moris alimenta negabit,
Irritus unde labor. Per passus divide septem
Has alternatim, et semper legē utere eadem.
Effossis circum caveis simili ordine te ultra
Non labor urgebit durus, non improba cura: 70

De-

Debita sed tandem requies tibi, et òtia restant.
 Frigidus interea Arctophylax, Cynofuraque coelo
 Lucebunt medio revehentes frigora nobis,
 Concretasque nives Aquilone, trucesque pruinas.
 Hae tibi pro rastris, marra, curvoque ligone 75
 Indomitam, superasque effossam nuper ad auras
 Incipient noctu tellurem arctare, dieque
 Praepingues nebulae, et demissior aura resolver,
 Reflexoque illam penitus Sol lumine quaeret
 Exiguum peragens hyemali sidere cursum, 80
 Et Boreas, Scythicoque ruentes carcere venti
 Spirabunt pariter, cineri unde simillima sicco
 Mutata tandem facie mitescere discet.
 Sic Sole, et bruma, ventisque exercitum, et imbre
 Triste solum, et marra nondum tractabile vires 85
 Acquiret, calidisque nitris, et salibus auctum
 Fertilis Eridani pingues imitabitur oras
 Ut vero fessis paullatim mitior annus
 Jucundam coelo referet mortalibus auram,
 Gramineis sternes glebis, lignisque vetusta 90

Exeſis

Excis macie; et stipulis cunabula Moro
 Constituenda novo. Nunquam a regione remota
 Abducas plantas. Dispar natura locorum
 Saepe refert multum: virtus non omnibus agris
 Una. Ideo agresti Moros, quas pectine vestris. 95
 Plantandas dixi campis, sub sidere vestro,
 Et vestris etiam velim plantaribus ortas,
 Ne ignoto in campo direptae a matre fatiscant.
 Sic terris Morus patriis assueta superbas
 Attollet frondes. Divelle a stirpe parentum 100
 Lacteolas virgas; runcaque, manuque remissa,
 Ne duri perdat radix discerpta laboris
 Fructum. Quos illae spectant in cortice ventos
 Signabis: quascumque suis obvertere oportet
 Astris, ut vento cunctae reddantur eidem, 105
 Cui prima a teneris dudum consueverat aetas.
 Ut vero graciles superae tu ostenderis aurae
 Radices primo correptas vulnere multa
 Involves palea, aut hirsuta carice, molles
 Ne lacrimas forsan vitales sorbeat aen, 110

Maternoque sinu Morus divulgata laboret.
 Sterne itidem foveas pingui laetamine aptas,
 Hinc leviter prolem campo deponere ferendam.
 Molle capillitium, trifidasque aptare memento
 Radices leviori manu, ne forte retortam 115
 Collectae in spiram vegetantes altera motus
 Comprimat alterius. Confertas gramine glebas
 Injice: sollicitusque omnes crassa occule terra,
 Laxius ut radix diffusa vagetur in agro.
 Qualiter in septis olim a cervice tenellas 120
 Truncaſti Moros, iterum praecide superbam
 Caesariem, ut tantum videatur inutilis hasta,
 Nec patiari illam erecta te excedere fronte.
 Vertice enim obtuso plures revolubilis humor
 Extrudet ramos, cui se via libera fibris 125
 Explicat, internos circum undique dum irrigat artus.
 Septeni passus spatium sint inter utramque
 Plantam, et per seriem ductim sic pergito totam,
 Donec opus peragas, et Mororum juga longa
 Constituas; eadem in caveis sit regula quadris. 130

Inde

Inde solo Moris communis parte ab utraque
Congestam subito rastris diffundere terram
Curabis, tumulus, clivusne appareat ullus.
Imporcabis humum stirpem prope virgultorum,
Per sulcos Morus sensim ut radicibus actis
Laeta comam citius molli de vertice mittat.
Attamen apricos late qua glareæ campos
Arefacit, volitatque levi qua pulvere tellus;
Sunt quibus est usus campo committere Moros
Ut primum autumnus declinat frigore victus.
Quisque suis agitur causis, et mente movetur;
At mihi non equidem est eadem mens, namque furorem
Horresco nobis instantem Erymantidos Urfæ.
Excitat hæc Boream e Riphæo litore crudum,
Qui nostris saepe incumbens regionibus imbres
Hibernis glomerat nivibus, terra unde coacta
Illico duritie Garamantica marmora vincit.
Ubere tunc Mori avulsæ, dulcique parentis
E gremio, nuperque ingrata sede repostæ
Oppetere aut mortem miseræ, aut tabescere discent.

Ver tamen ut Zephyris hyemales temperat auras,
Haud dubites tepido Moros deponere campo.
Haec etenim moneo campis expertus avitis
Bis senos lapides nostra distantibus urbe,
Atque tuis totidem munitis, Mantua, muris. 155
Mantua pulchra nimis, nimiumque exercita bellis,
Quam propter crebro Aufonidae exarsere cruento
Marte, atque Eridanus rorantes sanguine fluctus
Scuta, viros, galeasque minax traduxit in aequor.
Qua campos vero inclementior aura coarctat, 160
Et rigidis cogunt terram aspera sidera ventis,
Qua colles surgunt, qua attollitur ardua montis
Ora, cave nimis elato ne vertice Mori
Assurgant; coenum manibus tum suffice plenis,
Sic crudam mulcebis humum, ventosque furentes 165
Vinces, quodque pati indocilis natura recusat,
Arte emendabis: qua non patiuntur aratrum
Acclives montes late circumfode marra
Tellurem; crebro glebas invertit supinas,
Sollicitusque herbas dentato diripe rastro, 170

Ingentes pleno unde educes vertice Moros.
 Qua nebulas vallis squallentes suscitât, altam
 Erige supra alias Morum, ut procerior aura
 Vividiori eduçta altos a vertice ramos
 Fundat, & umbriferis foliis onerata virefeat. 175
 Plurima te possem veterum praecepta docere,
 Irrita ni nobis longa experientia passim
 Fecissent. Quidnam crescentis cornua Lunae
 Cum Moris? quidnam cum plantis astra serendis?
 Dum Zephyri leviter spirant, dum nubila circum 180
 Humida vere novo pendent, satio optima Moris.
 Lunares igitur frustra speculabere motus.
 Religio haec satis illufit veneranda parentum
 Saecula; mens siquidem has leges humana: abolevit
 Doçta modo certas rerum cognoscere causas. 185
 Quae volucrum rostro labuntur mora loquaci
 Silvestres inter dumos, tribulosque rigentes
 Illaqueata diu latitant, at denique frontem
 Sustollunt viridem nullo cogente colono.
 Tunc labor impendendus erit, tunc provida cura 190

Nam-

Namque manus vigilis cultoris avara vocatur,
 Ut crescat ramis arbos ingentibus aucta.
 Quas passim vero tellus imitata novercam
 Non aluit tenues intra plantaria virgas,
 Tu fulcis indistinctas compone profundis, 195
 Illasque in morem curabis texere sepis,
 Quae a flava tauros segete, et pecus omne tenebunt,
 Atque ministrabunt primam bombycibus escam.
 Attamen ut densae crescant, sunt falce putandae,
 Vix omnes uno superent ut pollice fundum. 200
 Vepribus, et tribulis illas rotabere acutis,
 Lacteolo donec jacent a vertice frondes,
 Altius et validis se extollant viribus auctae.
 Non duram stupidus marrani, non negligit aratrum;
 Saepe labor marræ, totidemque iterandus aratri, 205
 Graminis ut penitus pereat genus omne nocentis.
 In morem sepi nulla cohibente bipenne
 Tu virgas sine lege fines silvescere. Binum
 Ut reduci Phoebus cursu traduxerit annum,
 Illarum pedibus lucentem impinge securim 210

Funditus a terra, et solers virgulta recide,
 Unde habeas vallos suffultis vitibus aptos.
 In septis tenerae plantae, laribusque propinquae,
 Dum intactae vivunt, crescunt; non moribus hoedos
 Vulnificos metuunt, jactantes cornua tauros 215
 Ignorant, immo felicia tempora ducunt,
 Seps avidas etenim pecudes securae coertet.
 Ut primum vero campo creduntur aperto,
 Insurgunt hostes illas sine more petentes.
 Quapropter veluti miles visurus in armis 220
 Hostes induitur lorica, ocreisque refulget,
 Aeratoque micat clypeo, galeaque superbis
 Eminent, haud aliter Mœros, quis tanta pericla
 Impendent, quas tanta urgent discrimina coeli,
 Armis cinge suis. Calamos decerpe palustres, 225
 Congere limosa paleam cum carice mixtam,
 Illisque obduces plantas, triplicique ligabis,
 Sed lento nexu, nodus ne strangulet intus
 Arboris humorem. Cortex renitebit opertus,
 Crudelemque hyemis glaciem, Solisque retundes 230

Ardo-

Ardorem. Nudae sint vero a vertice plantae,
 Ne gemmae lateant oriturae. Vomere taurus
 Ingemat imposito, qui operis modo dividat ingens
 Tecum onus: at querulum multa vi pronus aratrum
 Trude: octo fulcos produc recto ordine: primo 235
 Succedant alii, atque labor ducatur in orbem,
 Usque novis fulcus dum plantis incubet altis
 Parte ab utraque: tamē ne extremo vomeris axe
 Delibes truncum, vehementi voce coerce,
 Atque manu retine tauros: innitere stivae 240
 Oppositae, aut potius ramus tibi corneus adfit
 Flexilis, atque virens, laevis, longaue medulla
 Sciffus, quem medium temoni infige recurvo,
 Innixusque humeris illum torquebis in arcum,
 Extremae donec partes figantur eisdem 245
 Spinis, queis orbes stridentes axe tenentur.
 Hac ratione tuus mordax cohibebis aratrum
 A plantis. Recto forsan si e tramite quaedam
 Declinet, facili pronas mox erige dextra,
 Atque doce solers cunctas confluere rectas, 250

Ut

Ut primas, medias, et quae sunt parte locatae
 Suprema pariter sic linea dirigat una,
 Ut refono mittas nervo si forte sagittam,
 Ipsa volans nullam tenui vel vulnere tentet:
 Quod doctus recta in fovea, quoque perfice ubique
 Sparfis in caveis, summo qua margine campus
 Definit; hic etenim quoties iterabis aratro
 Versuras flavae disponens jugera messi
 Arboribus cultum renovabis vomere eodem,
 Diruta Mori inter veterum coementa casarum
 Figere radices gaudent: nam fervida nitro,
 Macerieque tepens fervescit terra, foveatque
 Ubertim plantas, tumido quae vertice in auras
 Se extollunt citius, majoraque brachia pandunt.
 Non his, quae so, locis dubites impendere curam;
 Illa tibi magno referet cum foenore fructum.
 Qua bobus surgit praesepe, domusque colonis
 Fige etiam Moros: aliis procerior umbram
 Eriget hic arbos; radios accere parata
 Aestivos Solis pueris umbracula fletet,

Et natis, castaeque uxori dulce levamen,
Anxia cum repeter maturae tempore messis
Patria tecta, diu querulo luctantia nato
Ubera suppositura, escaeque alitura relictam
Mane novo sobolem. Haec puerilibus oscula plena 275
Blanditiis miscebit, et ipsa labore diurno
Fracta instaurabit vires, reducique marito,
Et bacchum, cereremque, daplesque apponet inemptas.
Sic ambos mensa, et viridis solabitur umbra.
Ah pereat quisquis, tranquillo ruris amore 280
Posthabito, curas, fallacesque urbis honores
Laudat, et indomitum fastum, sequiturque tumultus
Urbanos. Felix qui rure tenetur avito,
Namque boves, Mori, segetes, vitesque feraces
Delicias faciunt domino cum foenore magno. 285
Hic nunquam domina obsequiis pertaesa vetustis
Te imperio miserum exercet, pax candida floret,
Hic pacem Zephyri lenes, volucresque loquaces
Nocte dieque canunt, et rustica munera laudant.
O fortunatus patrii si norit arator 290

Divi-

Divitias ruris. Fructus gratissima tellus
 Educat, et facili victu respondet avaris
 Agricolis. Tranquilla dies hic praeterit, et nox
 Nescia securos agrestum fallere somnos.
 Sed jamjam ramis, foliisque domestica Morus 295
 Luxuriat plenis, foecundaque pabula Eois
 Vermibus ante alias offert, maturaque mora
 Suppeditat pullis, gravibusque abdomine porcis.
 Sic illi crescent, hi ingentia tergora circum
 Carne faginata augebunt. Tibi pinguior esca; 300
 Cum durefcet hyems glacialibus horrida brumis.
 Qua vero tellus salebrosis aspera faxis
 Frugiferam haud patitur cererem, bacchumque recusat,
 Et cicer educit raro, vilemque lupinum,
 Optima turgidulis Moris cunabula habebis. 305
 Illa ferax Moris, illa experienda colonis.
 Candida glarea amat Moros: hinc vivida radix
 Plantarum lapidosa Soli per viscera reptat;
 Ac veluti dux ingenti perseptus ab hoste
 Explicat invictas turmas, et fronte phalangem 310

Qua-

Quaduplici format, spatiososque occupat aequis
 Ordinibus late campos, aciemque metatur:
 Non aptos cereri simili sic lege per agros
 Plantabis solers Moros juga recta vicissim
 Producens, aequae ut passim arbor ab arbore distet. 315
 Thysbaeis totum foliis siluescere campum
 Tu coges, crebro si invertes vomere fulcos,
 Si terram nunquam enervabis semine iniquo,
 Et gramen toto haud patiēre virefcere campo.
 Quod tibi rara ceres saxosa sede reposta 320
 Abnuerit, referent ingenti foenore. Mori.
 Non procul e laribus fossam circumfode latam.
 Hic frondes nemorum discerptas frigore hyberno:
 Hic rectis passim quidquid tua filia verret,
 Semefas epulas bombycum, hic aggere sordes, 325
 Quisquiliaeque, furens quas jactat ab arbore ventus,
 Hic tenuem misce paleam cum stramine molli,
 Unde calor Solis, ventus, pluviaeque cadentes
 Conficiant intus tepidum lactamen, ut inde
 Ferveat in cavea, et viralem arentibus agris 330

Suppeditet succum, et quod glareæ cruda recusat
 Sufficias, Morusque altum protendat in orbem
 Ingentem formam, frondem bombycibus Indis
 Germinet, et patula ramorum exuberet umbra.
 Qua steriles intra campos via publica cursum 335
 Exhibet, haud pereat neglecto margine tellus;
 Assurgant igitur Mori decora alta viarum:
 Parte ab utraque tibi virides deponere plantas
 Præcipio, et paribus spatiis juga ducere longa.
 Grata viatores fessos sic umbra levabit, 340
 Dum Canis æstivos accendit torridus auras:
 Sic Dominus late censum ditabit avitum,
 Cum nova gustabunt bombyces pabula adulti.
 Advena cum linquens concretas frigore silvas
 Ausonios intrabit fines, umbrosa putabit 345
 Anxius Hesperidum intravisse vireta, vel hortos,
 Elysios, lætusque viam properabit amoenam
 Luscinias inter resonas, et acanthida dulces
 Alternos grato modulantes gutture voces,
 Jamque Phlegon ardens, Pyrois, Eous, et Aethon 350
 Vere

Vere novo revehet viridem mortalibus annum,
 Qui sparget pleno campestria semina succo ;
 Hinc laeta tenerae Mori cervice tumescunt
 Turgidulas gemmas pariturae, et germina prima .
 Protinus hirsutos sentes, et congere vepres, 355
 Quois hastas calamis indutas cinge, caputque
 In primis, lentoque infra illos vimine vinci.
 Arceat a gemmis intortus circulus, ipsos
 Ne lacerent intus crescentia germina : gliscent
 Sic equidem intactae frondes, taurosque voraces 360
 Eludent, teneraeque obnixas arboris hastae
 Vaccas, si turpi forsan prurigne tactae
 Se tentent : inconcussa hac ratione jacebit
 Arbos. Affidue his perfectis rebus in unguem
 Et cereri vigilans incumbet, et vitibus altis. 365
 Attamen ignarus curas haud negliget coeptas,
 Namque egomet memini a proavis audisse verustis,
 Ruricolam Moros sevisse, illasque labore
 Sollicito coluisse diu, qui denique fessus
 Scirpiculam, marram, notumque oblitus aratrum 370

Vepribus, et dumis illas, tribulisque reliquit,
 Linquntur ut quercus mediis ingloria silvis.
 Sericidae fremuere Deae, fremuere bicornes
 Et Satyri, quod defidia traheretur inerti,
 Qui late herculeos humeros, Steropisque gerebat 375
 Brachia. Magna parens arborum brachia iussit
 Truncari misero agricolae quasi inutile pondus:
 Tunc tacitae obstupuere Deae, casusque misertae
 Crudelis poenam commutavere cruentam:
 Vimibus caedendum igitur, virgisque dedere. 380
 Herculeos humeros Satyri, duosque lacertos
 Nudarunt rabidi: insonuere flagella per artus
 Immanes, et ubique cutis contusa tremebat.
 Jamque miser lacrimas, singultusque ore ciebat,
 Et crudi necdum absolvebant iussa ministri. 385
 Expleta demum multa, amotisque flagellis,
 Procubuit pronus lutulento pulvere quaerens
 Solamen, madidusque humeros, timidusque lacertos
 Verberibus miserum mediae se advolvit arenae,
 Sordidiorque immundo evasit nupter apro. 390

Seri-

Sericides rifere Deae, rifere bicornes
 Et Satyri, astantes circum rifere coloni,
 Vicinique fimul crepuere ululatus agri.
 Agricolas olim ignavos fic vindice poena
 Sericides multaverunt. Difce ergo tenellas 395
 Moros excolere, iram ne mereare Dearum;
 Namque coli affidue cunctis haec dignior arbor.
 Jamque dies redeunt mites, et fertilis annus
 Pingua graminibus foecundat rura tenellis.
 A fummo primi frondefcunt vertice rami, 400
 Et frutices furgunt educti vere tepenti.
 Semiviri teneri, tenerae ceu faepe puellae
 Caefariam certa confuefcunt ducere lege
 Affyrio unguento, ferroque, et pectine eburno
 Mulcentes crinem : fimili quoque lege novellas 405
 Attenua frondes indufti pollice (Morus
 Annicula horrefcit crudelia vulnera falcis)
 Sufficiunt tantum modo germina bina puillis,
 Sed tria, vel fumum, valido quae corpore praefant,
 Quatuor educunt felicitur : hoc numero fi 410

In

In tenero plures linquantur stipite rami,
Fruſtrentur cuncti : graciles ſine viribus aegri
Squalleſcent circum, et labor hinc foret irritus omnis.
Interea triplices majori robore Morus
Augebit ramos, fruticeſque emittet ab illis, 415
Qui veteris denſam ſimulabunt arboris umbram.
Si molles vero praeſumpto turbine grando
Horrida diſcerpat frondes, a cortice fractas
Lucenti reſeca ferro, ne forte venenum
Demiſſum a ſumma radices arbore foedet, 420
Ut primum flagrans ſitientes Sirius agros
Torrebit, fervens aeſtivo terra calore
Virmiculos plures, infectaque gignet ubique.
Inſeſtam ah ! turbam metue, atque ignobile vulgus;
Bella parat miſeris Moris, nimis horrida bella. 425
Ante alios hoſtes timeas infecta, nigranti
Tergore quae lucent : caput his breve, venter at inda
Amplius, et oblongus, nigra, et veloci crura,
Forficulamque gerunt pro capda : callida furcim
Per Moros reptant; fraudem ſub tegmine condunt 430

Stra

Straminis, attingant, donec vestigia summa,
Inde venenato pia germina forfice vastant,
Et radunt quidquid florens modo germinat arbos;
Quapropter tenui religatum vimine stramen
Solve cito: plantas denuda, et concute frondes 435
Hostibus oppressas: procumbent protinus omnes
Deturbati, et diffugient sine lege per agros:
Neve tamen rursus tentent iterare periculum;
Ereptis calamis haud tu prius indue Moros,
Quam rectis Phoebus radiis, et Luna reflexis 440
Circumquaque levés novles intraverit hastas.
Attamen exutis iterum vestire memento
Sollicitus spoliis, ne obductas cortice molli
Sol fibras urat. Pariter tibi turma domanda
Est volucrum, quae alis, habituque simillima fucis 445
Huc illuc volitat, crescentesque ore rapaci
Perterebrat passim frondes, et quidquid edaci
Devorat ingluvie; arboribus, segetique nefanda
Pestis! sed tantâ viriatis peste repente
Concutias ramos: volucres ceu initia mora 450

Acriùs

Acriter acta Notò labentur protinus omnes :
 Tum subito circum galligae coge loquaces,
 Et pullos, qui hostes insensos vindice rostro
 Mordicus arripient simulantesq; ventre voraci :
 Ut tamen imbriferis compressus nubibus aer 455
 Intonat, effusque ruunt placido aethere nimbi,
 Labenti pluvia tellus recreata madabit,
 Et pulvis fluitans volucres, insectaque secum
 Abducat. Puro vix fulserit aere Titan :
 Junge boves; illos siquidem supponere aratro 460
 Est opus, hesternæ donec pluvia humida tellus
 Te acclives patiatur agris inducere porcas.
 Vomere sollicita tellurem, iterumque fatiga
 Depressos sulcos, avulsaque funditus herba
 Partem ab utraque tuo tantum sit meta labori. 465
 Ne rigido in truncos impingat vulnere vomis,
 Corpore præcipio toto, totisque lacertis
 Nitere in adversam burim, taurosque coerce
 Circulus, et vepres ramis suis munera præstent,
 Dum incustoditi percurrunt pascua tauri, 470

11. 1. 6.

Ne

Ne a tenera primas decerpant, arbore frondes.
 Cortice mox etenim scisso tabesceret arbor.
 Magna pericla quidem haec, sed enim majora supersunt
 Arboribus: nunquam pigeat te iterare laborem
 Assiduum; sudor triplici tibi foenore fructum 475
 Restituet. Dryades aderunt, aderuntque secundi
 Arvorum pariter Genii, qui numine laeto
 Teque, tuumque opus aspicient; hoc flava colonis
 Pollicita est olim Cybele. (nec numina fallunt.)
 Ut primum campos docuit supponere ratro, 480
 Nosque agros Moris patrios ditare Minervae
 Ante alias arbor gratissima; quippe labori
 Materiam praebet phrygia; tenerae unde puellae
 Arte colorata textentes serica fila;
 Heroumque vices inscribunt, gestaque regum; 485
 Quae procerum auratis passim conclavibus haerent;
 Idmoniamque artem vincunt audacis Arachnes.
 Hinc facinus Thefei, inde tuos Ariadna furores;
 Vel misero Pyrrum instantem Priamo ense cruento
 Ante aras patrias, confossumque Hectora Achillis 490

Cuspide, jactatumque agitata per aequora Ulysses,
 Aulacis passim inscribunt, fraudemque Sinonis,
 Aeneamque pium acri urgentem vulnere Turnum:
 Te, Caesar, fingunt ultori debita Bruto
 Victimam, vel phario Magni devota sepulchro, 495
 Idaliaeque Deae formant, et fulmina Martis.
 Munera saepe movent Superos. Tu sacra quotannis
 Ideae facies Cybele, Graeaeque Minervae.
 Quocirca sanctas duro filice excute flammam,
 Unde rogos crepitans fragrantem ad sidera flammam, 500
 Extollat. Postae nigrantes rite bidentes
 Constitues binas Cybele, totidemque Minervae
 Indomitas vaccas: sacro farre, atque nitenti.
 Injecto sale, et precibus pia numina adorans
 Multa oblucentes vi illas urgebis ad aram: 505
 Hic trepidum sacro jugulum mucrone resolves,
 Purumque effuso sparges altare cruore.
 Sanguineos sanctis impones ignibus artus.
 (Devotos ignes Mororum ligna ministrent)
 Interea circum pueri, innuptaeque puellae

510

Adstan-

Adstantes casta clamabunt talia voce.

Alma parens Cybele arborum fidissima custos,

Alma Minerva parens operum fidissima tutrix,

Aequa quidem petimus, nobis praebete secundas

Aures; a Moris tristes avertite casus. 515

Vermiculi turpes absint, insecta, malaeque

Cum fucis volucres; absit genus omne crabronum.

Temperet Aestatem siccam facili imbre solutus

Saepe dies: mollis madeat nox rore perenni.

Turbine commotos Scythico compescite ventos, 520

Atque procellosas invisae grandinis iras.

Arboribus faveat Latous Apollo diurno,

Cynthia nocturno cursu, et bona sidera nostris

Affidue rutilent campis, nostroque labori.

Alma parens Cybele arborum fidissima custos, 525

Alma Minerva parens operum fidissima tutrix,

Aequa quidem petimus nobis praebete secundas

Aures, a Moris tantos avertite casus.

Expletis demum precibus, sacrisque peractis,

Tellurem in sulcos exerce vomere curvo: 530

Mordaces tribulos, herbasque evelle malignas,
Debita ne infestae Moris alimenta furentur :
Scirpiculam crebro manibus versa, amputa ineptos ,
Et frutices, unde uberiori uligine pasti,
Qui superant, crescant. Declinans aethere Phoebus 535
Denique corripit cursum, septemque Triones
Tarda polo nobis referentes astra, fugabunt
Aestivos Zephyros. Carpet jam vinitor uvas,
Maturoque premet nudatus crura racemos .
Illico rumpe moras : noto sub pondere aratri 540
Coge boves : terram lucenti vomere scinde,
Stirpe etenim a summa crescentes detege plantas,
Radicesque levi stratae tellure parumper
Foecundum Solem, auramque experiantur apertam :
Prodigus inde lutum commixtum stercore equino 545
Per medium sternes sulcum, tenerasque recondes
Mororum leviter radices, fervidus humor
Ut foveat plantas. Obliquo vomere posthac
Appones terram, et diffusum stercus humabis,
Ne pingui tellus esca fraudata senescat ; 550

Ster-

Stercus enim tepido coecos humore meatus
Intrabit, glaciemque acrem, et frigoris iram
Comprimet, augebitque magis vegetabile robur.
Hoc etenim expedies melius, si stramine putri
Inferius plantas obduces: unde pruina 555
Candenti tellus nunquam concreta rigescat:
Aspera non glacies penetrat, non frigora stramen.
Si infirmis Morus languecat morbida ramis,
Spinosaque edat frondes ingrata, rigentem
Ante hyemem haud dubites falcem supponere aduncam 560
Frondebis, ut turpi amissos a vertice rursus
Extollant animos, cum formosissimus annus
Vitali infundet turgentia germina succo:
His actis posito poteris requiescere aratro,
Concretos donec Zephyrus permulceat agros. 565
Cortice sed pingues Moros, et fronde tumentes
Caedite vere novo: nimiam comescite ferro
Luxuriem, tanto ne arbor sit ponderi inepta.
Imperio plantam duro exercete superbam,
Ut crescat citius robusto corpore tardis 570

Ingen-

Ingentem late stratura nepotibus umbram .
Ter Phoebus nobis accedens, terque recedens
Thysbaeas foveat plantas noto ordine cultas,
Terque diu incumbentem operi tueatur eidem,
Frondebis at Mori demum majoribus auctae 575
Foecundos pendent ramos, fruticesque vicissim
Candidulis maturabunt bombycibus aptos.
Primi igitur fructus carpendi, et pabula prima
Vermiculis sternenda tuis, calathisque legenda.
Attamen uvidulis ramis arcere memento 580
Rugosamque manus vetulam, durumque lacertos
Agricolam; hic marrae, duroque assuetus aratro
Crudefcit scabra totus pelle, illaque cornu
Aridior palmas, digitos, ulnasque rigescit,
Unde leves tenui laceraret cortice ramos. 585
Quapropter pubescentis modo flore iuventae
Hic adsint circum pueri, mollesque puellae,
Quae manibus tractent Moros, primumque laborem
Sericidis sacrent. Lactum paena canentes,
Festoque in numerum Venerem clamore vocantes 590
Decer-

Decerpant summis manibus, gremioque reponant
 Lacteolo molles frutices: tenero magis hoedo
 Sic teneri digiti Moros non vulnere crudo
 Contudent, immo spoliatos fronde novella
 Mulcebunt ramos, ut flores innuba virgo 595
 Contrectat molles. Qua tertia gemma tumescit
 Interea solers totos a vertice ramos
 Amputa, ut aut bifidae Morum, trifidaeve figures
 Forcillae in speciem, sed caesim pollici utrumque
 Articulum aequabis, dein ferro vulnus amico 600
 Laevabis, libro ut splendeat ubique nitenti,
 Contrahat unde cutem citius sanata cicatrix,
 Falcisque obducatur crescens vestigia cortex.
 Ne succussa arbor forte a radice fatiscat,
 Laeva manus teneat Morum, dum dextera ramum 605
 Corripit: at manibus decerpes inde remissis,
 Quae male crescentes circum sine lege virefcent
 Gemmae importunae, plures, ut prodiga Morus
 Dein frutices, lactosque magis producat ad auras,
 Tres tantum nati quocumque e vulnere surgant, 610

Unde

Unde tibi trinas finges triplici ordine furcas.
Hic ubi temporiis falce attenuaveris unca
Effusas Moros, obliquo vomere pressam
Sollicitabis humum, ut festiva, taurisque subacta
Radices foveat teneras, frondesque novellas 615
Suscitet. Interea cervicem turgida Morus
Attollet, foliisque auras, et fronde laceffer.
Luxuriabit ubique tumens, plantasque superba
Contiguas vincet majora umbracula texens.
Immodice vero truncum ne germina densa 620
Debilitent, rursus moneo, quod pullulat ingens
A cervice nemus, quas germinat ebria Morus,
A trunco frondes digitis decerpe benignis,
Stolones etiam tristes a stirpe recide.
Sic collucabis ramorum a pondere plantas 625
Oppressas turpi. Ac veluti cum sponsa paratis
Discumbit festiva inter convivia mensis,
Illa genas roseo interfusa colore, modisque
Culta comas variis, auro, gemmisque coruscans
Convivas habitu superat, cultuque puellas. 630

Huic

Huic pars debetur laudis, quod pulchra decoret
 Ornatus ipsos : laudis pars altera matri,
 Sedula quod docta natam exornaverit arte;
 Cum Moros laudat properans sic saepe viator,
 Te quoque cultorem laudat, falcemque magistram, 635
 Quae tali potuit Moros finxisse figura.
 Nil tibi nunc superest, dulces nisi forte secundus
 Nubibus abruptis aer recluserit imbres,
 Humentes pressio glebas convellere aratro,
 Temperet unde madens radices terra bibaces. 640
 Cum reduces vero pastores montibus altis
 Deducunt pecudes, Moros a stirpe tepenti
 Sterne fimo, sulcosque elatis occule porcis,
 Obliquo apponens effossam vomere terram.
 Quae modo tradidimus tibi sunt iteranda quotannis, 645
 Alternusque diu redeat labor actus in orbem.
 Candidulae redeunte novello vere puellae
 Germina prima redundanti tibi ferre canistro
 Cum pueris certent gratam bombycibus escam.
 Septima vix aetas Moris effulserit altis 650

Scirpicula te arbor instructum, et falce vocabit.
Maxima cura, laborque ingens! Tractare peritus
Incipiat cultor falcem, tractare bipennem,
Et teneris primum plantis imponere morem;
Impositos etenim mores tractabilis arbor 655
Servabit: tardos crescet visura nepotes,
Qui haud aliam illi vix poterunt inducere formam.
Indecores rigido frondes dispellere ferro,
Truncosque enodes, duplicesque a stipite ramos,
Divaricare alios, alios protendere oportet. 660
Quos vero statues altas se extollere in auras,
Hos mutiles opus est, tali tamen utere lege.
Clausa cicatricis lustra vestigia primae,
Quae poteris tantum, falcem dum stringis, et alto
Impingis ramo, binis excedere palmis. 665
Deciduas frondes obliqua falce putabis,
Ut melius madeat nocturno rore cicatrix.
Quisque ferat ramus tantum tres denique natos,
Ut late crescant. Recti qui ad sidera surgunt,
Quique cadunt proni decurta, ast aera purum. 670

Qui

Qui obliqui spectant majores omnibus artus
 Producant, densa unde arbor augebitur umbra.
 Fasciculos posthac truncatis construe ramis,
 Collectosque reponere domi sub tegmine summo.
 Maturis est haec bombicibus optima sedes,
 Quando opus egregium peragent docto ore vomentes
 Serica fila, et caliculis contracta recondent
 Corpora, tergeminaque suas mercede rependent
 Curas: at sulcos iterum deduc prope Moros,
 Sic etenim longe pendentes brachia crescent,
 Ac veluti surgunt triplici, et longi ordine Citri,
 Murmure qua aequoreo Benacus littora frangit
 Melineae rupes, nemoroso est vertice Quercus
 Silvestres superant, eductosque ante latentes
 Offertant auris, obducuntque undique truncum
 Frondibus, atque una dimensae lege volutant
 Circumquaque comas stidentis Aquilae sagittas
 (Melineae rupes, Benaci littora, amoena
 Quid mihi curarum solim auxiliis? quidque laboris?
 Septima vix aestas virides calcfecerit agros

L. I.

L. 2

Sic

Sic pariter densas imitantes vertice Citros
 Assurgent Mori, hinc actis laetabere curis.
 Durior ast incumbere operi, praeceptaque in unguem
 Nostra faceffe. Ut nonum Sol traduxerit annum
 Fœcunda plenas decerpere de arbore frondes 695
 Ramorum luxum prudenti falce coercens.
 Diradiabis ubique comas ex arbore opaca
 Ducitur astronomis ut passim sphaera rotundo
 Orbe, et honoratas pariter memor undique plantas
 Protendes, viridesque simul diducere coges 700
 Ramos; hac ratione equidem diffusa ferentes
 Brachia temporius, formaque, et robore crescent,
 Jactabitque comas Morus robusta per auras:
 Provida falx etenim formam componit, et umbram,
 Quam late in campis arbor expandet adulta. 705
 At vos o juvenes curnam male vivitis annos,
 Quaerentes tinctas alio sub sidere vestes,
 Moresque intenti patrios, et vertere linguam?
 Quid plenas teritis noctes? quid funditis aurum
 Pernoctes? curnam mulcentes pectine crines, 710

Assyrioque cutem unguento? quid corpora somno
 Laxantes, veluti glires, tot demitis horas
 Labenti vitae? miseri consurgite tandem,
 Atque aliquid dignum proavis audete vetustis;
 Aut equites cursu, aut pedites contendite ludo; 715
 Effigiem belli fictis ostendite in armis,
 Ut gentis nomen, patrium ut servetis honorem.
 Italidum heroum quoties plaudente corona
 Pulvere certantum nostri quondam Amphitheatri
 Incaluit campus laudum, et Mavortis amore. 720
 Sic veris assueta triumphis agmina adire
 Pulchrum erit, et vestrum late diffundere nomen,
 Qua nostrum quidam Aufriadum clara arma sequuti;
 Bojaridum aut partes inter discrimina belli
 Et Genti, Patriaeque decus peperere superbum. 725
 Venantes canibus gaudete, agitate ferocem
 Quadrupedem audentes; agros percurrere avitos
 Saepius, et pigro dudum torpore jacentes
 Excutite agricolas: illos compellite moros
 Attenuare crebro indociles, sustollere aratro 730
 Infe-

Infestas herbas (nil sollicitudine herili
 Fertilius campis) sic vestrum laugebitis agrum
 Sericio, unde sagax Gallus, locuplesque Britannus,
 Et Theuton solers multo mercabitur auro
 Congestas merces, et culti munera ruris.
 Ne potius Cynica videar gravitate superbus,
 Quam dulcis vates, victricis saecula Romae
 Inspicite. Agrestem proceres coluere Quirites
 Vitam, qui passim aut fellas habuere curules,
 Ut duro abstractus quondam Serranus aratro,
 Sive triumphandos duxerunt agmina in hostes,
 Agmina, quae domitis populis, regnisque subactis
 Barbara Romano Marti peperere trophoea,
 Furius ut campis abreptus ad arma Camillus,
 Sic domitrix crevit terrarum maxima Roma,
 Et toti facta est longe clarissima undae,
 Si belli, et pacis, veteris si flumina juris
 Tanta haud dedignata manus imponere ruris
 Indefesso operi, dein vero rursus ira
 Cum Mars ingrueret, trans illas ducere ad arma,

Aut


Aut ferre ad sacrum suffragia plena Senatum;
 Vos curnam pudeat longas impendere curas
 Foecundae Cereri? haud arma, haud infula sacra,
 Haud fasces obstant: nobis non fidera semper,
 Nec crebro tellus tantos maturat honores. 755

Talibus o juvenes, dum egomet vos urgeo dictis,
 Adriaci Patres, qui non sine numine divum
 Felici imperio nobis dant provida jura,
 Caesaris, et Regum praeclara exempla sequuti
 Magna parant nobis. Nostras meditantur apertis 760
 Liminibus merces populos extendere ad Indos,
 Constituuntque nova extremis commercia terris,
 Sic crevere olim Patres: oblita redibunt
 Saecula sic nobis, opibusque ingentibus aucta
 Aetatis rursus veteris fortuna resurget. 765

Edite regali, atque augusto sanguine Princeps,
 Qui claram Proavum virtutem, et grandia facta
 Exsuperas, cujus Genti immemorabile nomen
 Olim Bojaria imposuit, si carmine dudum,
 Quae Tibi narravi, excepisti numine fausto, 770

Neu gravis ipsa operis Tibi sit pars ultima nostri
Quam exequar exactis Mororum moribus, unde
Bojaridae discant pleno ditescere fructu
Arboris, et non incassum mea carmina volvant.

774




MO-

M O R O R U M

L I B R I I I I .

L I B E R I I I .

10. 10. 10. 10.



LIBER III.

Oecundas, laetisque oneratas frondibus audax
Nunc dicam Morbos, plenofque ex arbore fructus
Numine, Musa, tuo quo mens agitata calefcit.

Radices, animam, et fibras tentabo latentes, *mutum in*
Morborem caufas, naturamque arboris, et vim *to*
Infpiciam, et legem plantis imponere adultis, *aut*
Indufres dominos una, tardofque, docebo *ob*
Agricolae: felici igitur modo numine pofco
Te, Dea, difficilemque abfolvas, quafco, laborem.
Pierio rurfum campellres vertice Mufas

Deducam, ferrumque Tibi referam, Optime Princeps,
 Mororum fronde, et Bombycum munere textum;
 Non equidem aspernanda putes mea munera, namque
 Haec jam reclusere vias emptoribus aptas
 Per medios montes, perque invia lustra ferarum, 15
 Quae tantum patuere armis Aquilone nivali
 Eruptis olim, et Latio peperere ruinam.
 Ast ope bombycum, et Mororum fructibus auctis,
 Conversis tandem studiis modo comparat aurum
 Agricolis campus, qui acris discrimina Martis 20
 Sustinuit. Veterum penitus vestigia tandem
 Ruricola irarum delevit: Summo ab Olympo
 Hoc Jovis edixere tubae meliora ferentes.
 Vos nemorum altices Nymphae, Populonia mater
 Hippona, et Matrea fragrans, Lachryca dives, 25
 Me arboreas leges, terrae, occultamque docete
 Virtutem Solis; de fluviiis, silvisque parumper
 Egrediae incultos campos, vacuosque novales,
 Collesque, apricos faciles percurrere mecum,
 Mororumque simul fontem, miorisque squamam. 30

Me modo frondenti maturus ab arbore fructus
 Excitat agrestes expromere arundinæ versus;
 Nunc etenim Mori formaque, et corpore adultæ
 Percurrunt decimum redeuntis temporis annus,
 Et Domini curam poscunt, curamque coloni. 35
 Jamque nives tepidis gelidæ spirantibus auris
 Labuntur passim prona de valle solutæ,
 Germinibusque suis tellus rediviva tumescit.
 Jupiter omnipotens effusis imbribus arva
 Magnus alit, fegetes fecundat, lactaque prata, 40
 Arboreumque genus permulcet lenibus auris
 Vere novo. Tum Morus nitidissima primam
 Se induit in frondem, et ramos protendit in auras,
 Maturoque simul pubescit vivida foetu.
 Haec ubi: lucenti invertendæ vomere glebæ, 45
 Ut radiis Titan, fecundisque imbris aer
 Radices foveat maceratas frigore crudo,
 Herbarumque simul pereat genus omne nocentum;
 Sed quas non valuit curvum divellere aratrum,
 Sunt extirpandæ marraque, manuque potenti; 50

Sic

Sic equidem agricolis mercedem Morus avaris
 Restituet, pinguemque dabit bombycibus escam.
 Frondator doctus virtutem noscere Mori
 Brachia diducat feros alitura nepotum
 Bombyces, quæ altas expandent undique frondes.
 Tollere proceram frontem arbos incipit annos
 Ante decem, et plenos circum diffundere ramos.
 At quoties trinum Phoebus perfecerit orbem,
 Tunc opus est toties runca præcidere ramos.
 Demissas nimium frondes, nimiumque sagittas
 Elatas caesim prudenti corripit ferro.
 Indociles Moros prima componere forma
 Nunc opus est, equidem, atque illas protendere in orbem,
 Ut paribus crescant formoso a vertice ramis.
 Non runca dubites longam rescindere frondem,
 Communem ne aliis totum bibat improba succum.
 Plura licet pubescentis contagia vitæ
 Fugerit, heu, graviora ætas matura minatur
 Moris, quæ exhausto vitali humore virentes
 Arefacit frondes. Solerti indagine plantæ

Sunt

Sunt quaecumque igitur lustrandae. Saepe nitefcit
 Dum cortex fufcus, fcabies teterrima foedat
 In primis truncum, ramos inde inficit omnes,
 Et fibras intus fecretas intima tentat,
 Erumpit demum toto de cortice victrix,
 Et miferam invadit Morum finé lege, furensque
 Crescit ubique lues, flavoque fimillima musco
 Occupat atroci totam ferrugine plantam,
 Unde cutis nimium turgens concreta retrudjt,
 Quem paffim nititur natura expellere, fuccum;
 Quapropter mifere vitiatur vividus humor,
 Frondibus et paffis arbor oppreffa fatifeit,
 Imminuitque comas, aegrotaque languet in agro;
 Unde cito aut moritur, tenui aut ingloria fructu
 Languida traducit miferandae tempora vitae.
 Non fecus ac juvenis, quem invadit Celtica peffis:
 Difperit in primis illi vigor, atque juventutis
 Flos primus, vultuque haerens fquallentia labra,
 Funereusque color tumido perfunditur ore,
 Corruptumque linea hebetat mucosa cruorem.

Dare-

Durescunt artus: tubercula corpore tristi
 Concrescunt: stillat caries ex ossibus aegris,
 Flavescitque cutis sanie, contractaque membra
 Depascit tabes, obscoenaque pustula foedat
 Languentes juvenis carnes, miserabile visu! 95
 Unde cito aut moritur, turpi aut inglorius ore
 Morbida traducit miserandae taedia vitae,
 Si mihi, Sericidae, coelesti lumine faustae
 Perfulsistis adhuc, vestro si numine cursum
 Haud falsum tenui, circum caligine tetra 100
 Me obductum regite, et dubio succurrite vati,
 Viribus unde auctus, vestroque et numine doctus
 Ignotas morbi causas claro ordine dicam,
 Et curam doceam agricolae, usumque medendi
 Foedatas scabie, flavaque rubigine Moros 105
 Degeneris crebro telluris conficit humor
 Ingratus plantas, saepissime vulnera aratro
 Impacta incustodito, quandoque coloni
 Desidia, interdum graviore agitata Boote
 Aura: tamen quaecumque atrae fit pestis origo 110

Ne

Ne unquam desperes : Cereri confide secundae.

Saepius afflictam tellurem paupere succo

Mulcebis rastro assiduus, marraque frequenti :

Hinc terra, quae bello, armisque volatile nitrum

Praebuit, ubertim radices occule egenas, 115

Unde fimi falso Morus tepefacta calore

Tabificum extrudat foedo de cortice succum ;

Namque humor vacuos summa a radice meatus

Acrior ingreditur, sursumque attractus apertas

Arboris invadit fibras, aditusque comarum 120

Irrigar, unde redux iterum, duplicique per hastam

Circuitu properans refluit, cursuque perenni

Radices iterum rapidus descendit ad imas,

Inde pius succus morbum atrae pestis acerbum

Mutabit, speciemque diu amissam induet arbor. 125

Si vero internae fuerint impressa medullae

Vulnera, tunc ullum haud juvat impendisse laborem,

Dilaceratae etenim fibrae, scissique meatus

Manantem summa humorem a radice retundent,

Plantaque vitali succo morietur adempto, 130

N

Quam

Quam subito avelles campo, flammisque vovebis.
 Arboribus procul a teneris deflectere aratrum
 Disce, bovesque manu cohibe, lorisque coerce.
 Si levior fuerit vero, et moderata cicatrix,
 Protinus illam operi taurorum stercore vivo, 135
 Semefasque epulas Bombycum non sine multis
 Sparge inibi lignis putribus, coenòque viarum,
 Quod terra circum injecta tumulare memento,
 Quin etiam poteris contingere vulnus amurca,
 Sic etenim cernes laceratum crescere librum, 140
 Et rursus truncum renovatam obducere pellem,
 Foedamque expelli tereti de cortice tabem.
 Si vero torpentis inertia pigra coloni
 Intulerit Moris labem, tu protinus illum
 Percute, caede, abige e laribus, duraeque triremi 145
 Trade. Indefessum agricolam dein suffice primo,
 Qui runca instauret solers, et vomere plantas.
 Ventorum vinces rabiem, septemque trionum,
 Si infundes calidoque fimo, tritoque viarum
 Pulvere tellurem: tellus namque aucta calore 150

Trun-

Truncum emuscabit, nitidataque planta resurget,

Unde novus toto decurrens corpore succus

Paulatim ramis amissum reddet honorem.

Indecores hederæ emaciant a stipite Morum,

Si trunco haerentes circum innitantur amarae. 155

Pessima ne frons immodicis geminata flagellis

Strangulet oppressas adstricto a corpore fibras,

Providus hanc misera divellat ab arbore cultor,

Radicesque solo totas deturbet ab imo.

At vos uxores castæ, innuptæque puellæ, 160

Quas juvat assidue studia exercere Minervæ,

Serica ducentes variis contexta figuris

Fila, atque egregium fingentes gesta virorum,

Vestrum opus ipse cano cultis mea carmina Musis

Dum sacro, et tenui modulatus arundine tardum 165

Edoceo agricolam, ut viridem bombycibus escam

Augeat, hique operi insudent feliciter, atque

Materiam vobis largam, vestroque labori

Exhibeant. Dum igitur recubo sub tegmine Mori,

Aestivo recreans languentia membra calore, 170

Hic precor, hic dudum praesentes flectite gressum,
 Ferte citae flores, sacrum mihi nectite fertum,
 Carpite frondentes, certatim carpite frondes
 Mororum, nostraeque coronam imponite fronti.
 Munere sic vestro tota conspectus in urbe 175
 Clarorum passim patrum, vulgique loquacis
 Monstrabor digito: merces haec maxima vati.
 Sed quo digressus suspensio remige curro?
 Me revocant alta majores arbore Mori,
 Incoepusque labor rursus mea carmina poscit. 180
 Denique post varios hyemes expleta tument
 Aetate, et foliis, durisque onerata lacertis
 Aemula Chaoniae Quercus modo vertice ad auras
 Se extollit Morus, proceraque occupat umbra
 Tellurem, patulasque comas circum undique pandit, 185
 Sustinet inconcussa Notum, non flectitur Austro,
 Sed leviter Zephyros, auramque animosa laceffit.
 Quisque licet fortis mortali vescitur aura
 Magna pati crebro didicit: natura subegit
 Legibus his omnes. Quapropter Morus et ipsa 190
 Saepe

Saepe suos patitur morbos, queis saepe laborans,
 Sit licet Eurorum victrix, quandoque supremo
 Occumbit fatò: vigili modo lumine circum
 Lustra igitur plantas. Acris primordia morbi
 Scrutare in primis, aegrotæque inspicere motus 195
 Arboris, ut facili morbum medicamine vincas.
 Sanabis vero plantas; si pronus aratro
 Incumbes. Nullum veris tibi tempus amicum,
 Nullum autumnî abeat, non aestas ulla, priusquam
 Suppositos Moris unco bis vomere sulcos 200
 Verteris. Aetherei summus sed Rector Olympi,
 Qui terrarum, hominumque vices, pecudumque gubernat
 Aetatem, arboreum simili genus ordine ducit;
 Define mirari idcirco, quod saepe laboret
 Acta repentino Morus Thysbaeia casu 205
 Fatalem casum ignota ratione movente.
 Explicat interea segetes mitissimus annus,
 Flore coronat agros, auget nascentibus herbis
 Prata, et ubique ornat ridentia floribus arva.
 A viridi ramo dulcissima mora tumescunt. 210

Moro-

Mororum foetus pendent a frondibus altis,

Bombycesque simul poscunt sua pabula adulti.

Hinc juvenum robusta manus committere Moris

Festinet scalas : nuptae, innuptaeque puellae

Linteolis adsint gremium, zonamque ligatae; 215

Convenient sacco instructi de more coloni :

Conscendant scalas, Mororum brachia scandant,

Innixique pedes elato in vertice figant.

Certatim vero mediis confidere scalis

Sit fas foemineis manibus; discrimine nullo 220

Unde exercebunt istae sua munera, et illi

Corripient summa fluitantes arbore frondes.

Solliciti curent igitur decerpere passim

Huc folia, at caveant inverfo ne ordine ramos

Delibrent. Teneris virgultis parcite, quaeso, 225

Agricolae industres; graciles abradite frondes

Molliter, atque manu laeva capita alta tenere,

Dum dextra legitis plenam bombycibus escam,

Quam subito saccis leviter componite apertis, 230

Mitibus at manibus, graviori pondere in ipsis

Ne

Ne compressa nimis ferveſcat. Si Philomela
Proh pietas ! infandi deteſtabile regis
Ploratura nefas violento crimine laeſa
Forte cavum Moro nidum ſuſpenderit altae,
Foeto utero nuper pullos enixa tenellos, 235
Neu ſedem violato olim temerate pudori.
Hos miſerae dederant pia numina nempe receſſus,
Cum leviri inſtarent cruda arma, manuſque ſceleſtae;
Concentu mulcebit avis gemebunda labores,
Dum viridi e ramo teneras circum undique frondes 240
Carpitis. Interea conceptos dicite amores,
Auditos facili modulamine reddite verſus,
Scilicet egregias forma, et virtute puellas
Dicite, quaeve iſto trahitis ſuſpiria corde.
Tu Niſam Meliboeae tuam, tu Mopſe Lycorim 245
Terque, quaterque voca; illae alterno carmine vobis
Acceptas referant voces, ut ſancia dudum
Peſtora amore gravi foveant: ſic dulcior aeſtus
Solis erit, leviorque labor: ſed mitia mora,
Quae dilabuntur concuſſa ex arbore paſſim, 250
Ne

Ne frustra pereant natorum turba minuta
 Hic anatem cogat, gallumque, suemque rapacem
 Diram expleturum ingluviem, puerique loquaces
 A summo passim dilapas vertice frondes
 Excipiant circum vigiles, calathisque reponant. 255
 Collecto fubeant oneri, celeresque vicissim
 Tecta petant expectati, vetulasque revísant
 Liminibus stantes, et rauca voce maritum
 Clamantes, natosque, nurusque, simulque nepotes.
 Tum vero uxores, pueri, teneraeque puellae 260
 Instaurant thalamos bombycum pabula curva
 Crate ministrantes Serpilli cespite olentis,
 Sive Thymi nigras verrant circum undique sordes,
 Amoveantque dapes semefas, (providus illas
 Injiciat cultor Mororum stirpibus aegris, 265
 Morbida ut arbos convaleat.) mensasque nitentes
 Exonerent avidis optata a vermibus esca.
 Non tamen a viridi maturas arbore frondes
 Decerpant, donec nocturno rore madebunt,
 Aut molles forsan stillabunt imbre diurno; 270

Humi-

Humida, nec fallor, bombyces esca necaret.

Aura igitur lenis, nascentis vivida Solis

Hauriet humorem virtus, sic pabula bombyx

Optima gustabit. Cultorum turba vicissim

Exeat e laribus runca, validaque bipenne 275

Instructa, et properet celeres reflectere gressus,

Qua nudas foliis Moros, et fronde reliquit.

Jam tempus falcem deformi inducere Moro:

Fron dator luxum reprimat runcone tumentem

Providus, et legem ramis imponat ineptis, 280

Ut quisquis frondes emittat vividus aequas,

Induat et pulchram patulo de corpore formam.

Indecores igitur ramos, et brachia crudo

Fracta gelu, pluviisque hibernis flaccida ferro

Obtruncanda gravi, laevi sed vulnere, succos 285

Ne rimosa cutis vitales expuat. Inde

Spissas attenua frondes, et inutile pondus

Ramorum male crescentum, gemmasque daturis

Fron dibus imminues tristi ligna aegra senecta,

Ne immodicis Morus ramis oppressa gravetur; 290

Immo liberius deducto a vertice surgat.

Qua folia, et fructus produxit rarior arbos,

Qua Boreas rabie, qua saeviit horrida grando,

Nec falci stultus parcas, rigidaeve bipenni,

Sed sit inexorata manus latura salutem 295

Arboribus. Dextra forsân, seu parte sinistra

Indocilis si se effundat de vertice Morus

Exiguos fraudans materno humore lacertos,

Runca levis crepitet circum, et sonet iccta securis,

Arboris unde comae curvum ducantur in orbem, 300

Et pars ramorum surgat, pars jugera verrat,

Et pars circumquaque apricas verberet auras.

Arentes frondes, hirsutas decute virgas,

Scinde a spinosis media internodia ramis,

Aspera ne turpem attollant hastilia frontem, 305

Ne indecor a tristi Morus capite explicet umbram.

Si veteri macie forsân, morbove laboret,

Annorumque gravi calvescat pondere, cuncta

Caede indistincte stridenti hastilia ferra

Vertice denudans Morum; sed vulnera acuto 310

,Obli-

Obliqua ferro, ut dilapsi ex aethere nimbi
Decurrant faciles, ne fibras, ne forte medullam
Arboris inficiant, etenim miserabile fatum
Illi impenderet. Laevi de vulnere plures
Nascentur rami, teneramque adolescere plantam 315
Hinc cernes: cui tu noto succurre labore,
Scilicet assiduus digitis, et falce recurva
Hinc, atque inde premes, nimias ne effundere frondes,
Neve comis circum valeat silvescere vanis:
Ipse egomet latere abscissam persaepe ab utroque, 320
Aspexi Morum, exteriore et cortice tantum
Stantem, namque intus pluviae, hibernique rigores
Commixti nivibus, sicca aestas, mollis et imber.
Effinxit similem fungis a stipite plantam,
Quae a putri effluxit paulatim flacida ventre; 325
Attamen a summo obtruncatus vertice truncus
Emisit teneras frondes, ramosque novos
Protulit, unde novum rursus instaurata per aevum
Arbor opaca, tumens, viridisque revixit in agro.
Messibus a primis hunc vero absolve laborem, 330

Intimus ut frondes orituras augeat humor,
Et prius a tepido cedat quam fidere Titan,
Namque novam referens prolem quaecumque cicatrix
Imbriferos ventos, hibernaque frigora abhorret.
Dum manibus falcem tractant, versantque bipennem 335
Agricolae, uxores, pueri, mollesque puellae
Certatim subeant Moris, et grandia parvis
Brachia secernant ramis, quos inde resectos
Tortilibus nectant virgis, aptentque maniplos,
Fasciculosque manu pressos (bombycibus apta 340
Haec sedes, saturo tandem cum corpore fila,
Deducunt) alti referant sub culmine tecti,
Atque uti surgebat silva ipsa, ita quemque reponant,
Ramiq̃ exiles altas vertantur in auras.
Annosus truncus, gravioraque brachia plauistro 345
Tardo imponantur, bobusque trahantur ad aedem,
Quae duris subito cuneis scindantur, ut igne
Fornaces olim foveant, cum nempe lebetes
Undanti huc illuc fluitabunt ordine nullo
Folliculi, excoxiata manus cum serica fila 350

De-

Deglubet putres denudans flamine vermes.

Nec mora: nudatas vix falce putaveris unca

Plantas, depressos pluviiis extollere aratro

Curabis fulcos, glebasque invertere inertes.

Lecta diu Morus, duroque exulta labore

355

Degenerat quandoque ferens silvestria circum

Germina, spinosisque diu jacet horrida ramis.

Hanc igitur foliis melioribus inferere. Quare

Morum propriam generatim percipe primum

Naturam, frondes, morem, patriamque figuram,

360

Celsa ut adoptatis cumuletur fructibus arbor:

Quae majore viret folio nitidissima Moris

Optima porro instaurandis virgulta ministret.

Ingrato refeca totas a vertice Moros;

Sed quatuor virgas ingentia vulnera circum

365

Serva, quas caesim prudenti ita falce putabis,

Ut nudum exiguo excedant vix pollice truncum.

Sit leve, sit nitidum vulnus, sit, quaeso, rotundum,

Unde cito valeat rescissum obducere librum.

Scirpicula cunctos fines, toridemque cuique

370

Infi-

Infige exertas meliori de arbore virgas,
Quas cuneo affimila: mediam neu rima medullam
Dilaceret; runcone etenim disjuncta periret.
Surculum ut immittras melius, sit rimula laevis,
Infertum germen molli circum obline luto, 375
Quod leviter posthac intorto vimine vinci.
Arbore ab antiqua ut manans nutricius humor
Intrusae penetret virgae nullo objice fibras,
Commixtusque novis succis acquirat eundo
Ignotas vires, alienigenoque vigore 380
Praestet, et alterius frondes, foliique figuram
Mutet in alterius tandem nova mora daturus:
Cultores igitur generatim quaerite mores
Arboris, et ramos studio lenite feroces.
Surculus infertus ligno, qua prima tumescit 385
Gemma, recidatur; citius sic munere pleno
Insitio respondebit. Lex unica cunctis
Non erit haec equidem. Ducit sua quemque voluntas.
Scarificant alii nitido de cortice librum,
Qua media mollis detruditur arboris gemma, 390

Quae

Quae tenuis, foecunda, nitens, quadrangula in unguem
Ut sit, praemoneo ; sterili dein hanc ita Moro
Adjunge, ac veluti doctus lapicida Sicanum
Tessellat marmor, simili caela inde figura
Ingratam tunicam, exertum cui suffice librum 395
Arbore ab incolumi, quantum perpeffa cicatrix
Postulat, et coeno juncturas obline putri ;
Sic novus hic hospes non longum tempus, et ingens
Degenerem laeto renovabit termite Morum ;
Quae exuet agrestes mores, artemque sequetur. 400
Saepe alios vidi exiguo detrudere ramo
Intactum librum, ut videatur fistula vana,
Qua pueri volucrum simulantes sibila turdos
Retibus excipiunt, laqueis, viscoque tenaci ;
Arboris aequiparem mutilant virgam prope truncum, 405
Malleolum et leviter denudant cortice plures
Diviso in partes, illasque parumper in altum
Extollunt, caulem nudum dein fistulae in unguem
Includunt usque ad scissuras corticis imas,
Impositum quibus obducunt tubulum, inde novellum 410

Malleo-

Malleolum uno, et eodem exaequant vulnere caesim,
 Divisamque simul jungunt circum undique pellem
 Fasciolae in morem. Pars vero corticis uda,
 Quae gemmam profert, coelo sit libera aperto,
 Ut tunicam valeat citius disrumpere mollem, 415
 Germinet ut lectus nudo de vertice ramus.
 Ceu cuneum exacuunt alii virgulta, caputque
 Mororum scalpro findunt, hinc rimula truncum
 Recta aperit passim figendis viscera natis.
 Tu virgas igitur Moris immitte trigemmes, 420
 Postea amurca operi, pinguive bitumine rimas
 Antiqua juvenem componens arbore ramum.
 Sic Moro poteris felicem adscissere fructum
 Optatas frondes adeo, et folia ampla aliturae,
 Frondibus unde novis jamjam lectissima Morus 425
 Exultans feriat coelum, ventosque laceffat,
 Et densa agricolas ramorum protegat umbra,
 Qualicumque igitur libeat lege inferre Moros,
 Dummodo tu elicias foecunda ex arbore germen
 Maternam frondis speciem, foliique nitorem 430
 Per-

Perfrutans . Totum vero perolve laborem
 Axe prius Phoebus quam sidera Virginis intrer ,
 Ut commiscendos foveat clementior aura
 Succos . Sic mirando exhibunt foedere junctae
 Imposito ex oculo frondes , Morumque docebis 435
 Mollitam industri cura , vigilique labore
 Ferre novum fructum , atque novis silvescere ramis .
 Tu mihi Maecenas , nostri Tu dulce laboris
 Praesidium , si inter gravium tot pondera rerum
 Ad nostras descendes Musas , Optime Princeps , 440
 Sudatas forsan non aspernabere curas ,
 Dum mecum Moris decurres carmina sacra .
 O utinam faveat Phoebus , neque munera ruris
 Paulisper , cultosve agros lustrasse pigebit .
 Talia dum doceo agresti modulatus avena 445
 Fatidico feror ipse Deo : memoranda Quiritum
 Tempora , Vindelicasque vices , Gothicumque furorem ,
 Francorumque dies , Germanica , Iberaque saecula ,
 Quae imperio Ausoniae populos tenuere vetustos
 Praesentique revolve animo , claraque voluto 450

Mente . Peregrinis contextum vestibus aurum
Gestabant humeris, phrygioque labore micabant
Vestales, Salii, Matres, sanctusque Senatus.

Stragula carpentis fluitabant serica raris,

Illaque Persarum mittebant littora avara, 455

Aurique ingenti stabant pro pondere. Lana

Te ornabat Caesar Tyrio fucata colore :

Lanigeram chlamydem vestitos Roma triumphans

Augustos persaepe suos excepit ab Istro

Devicto reduces, Rhenoque. Hos barbara amictus 460

Italia et regum vidit, quos ultima tellus

Littoribus misit Gothicis, crudele flagellum.

Tunc segnis tanta contentus messe colonus,

Quanta famem apta foret misero saturare diurnam

Jugera pauca rudi passim subigebat aratro, 465

Caetera quercetis silvestribus obsita, duris

Aut conferta rubis, hirsutisque aspera dumis

In pecudum late cedebant pascua aperta.

Ut tamen affiduo Moros coluere labore

Agricolae, Italicae creverunt protinus urbes. 470

Ve-

Vestibus ornatae comptis fulgere puellae,
Matronaeque graves. Rigidis nunc taenia verum
Serica ruricolae gaudent aptare capillis,
Sericeis spondae agrestes fulgere theristris,
Et passim bombycum ostendere munera gaudent. 475
Et merito. Haec etenim sunt munera vestra : labori
Debemus vestro bombyces serica fila
Ubertim nobis vestro de rure ferentes.
Anxia sit vero domini, sit prima coloui
Cura manu industri, ferroque incumbere Moris, 480
Sic etenim agricolae, cives sic ubere fructu
Gaudebunt. At dum huc illuc mea musa vagantem
Me sequitur, putri squalentem cortice Morum
Indicat : haec lacerata comas ingloria languet,
Aridulisque riget foliis, et sine frondibus umbram 485
Rara solo sternit. Morbum miserae intulit acrem
Turba insectorum tristis : gens multipes, atris
Cimicibus similis Moros a vertice ad imas
Turmatim invadit plantas, et conficit ore
Tabifico, tactuque immundo brachia, ramos, 490

Et frondes, misera unde arbos sine honore fatiscit.

Turpi afflicta licet morbo sanabitur arbos,

Et facili vero impensa, tenuique labore,

Scilicet aut igne, aut ferro medicamen habebis.

Supposita aegrotis sunt qui sarmenta minuta 495

Accendunt Moris augentes stramine flammis,

Unde calor, fumusque volans haerentia ramis

Insecta externat, summoque ex arbore passim

Labuntur dejecta solo, flammisque cremantur.

At calor indomitus miseris saepe ultima Moris 500

Fata tulit, summoque arsit de vertice planta:

Haud salus est igitur tanto quaerenda periclo.

Confestim validam in Morum molire bipennem,

Et fragor alternus vicinis intonet agris,

Brachia celsa cadant, frondesque, unde ardua Morus 505

Definat informem in truncum: sed ligna recisa

Collige, et exiles ramos, fragmentaque circum

Lurida, ne rursus foedent animalia Morum:

Tardum onera subito squallenti pondere plaustrum,

Et trans mitte procul funestae alvearia pestis. 510

Vul-

Vulnera magna dehinc ferro nitidabis acuto,
Ceu faber ipse dolat passim tornatile lignum:
Crescere sic tota Morum cervice resecta
Paullatim aspicias, juvenemqueadolescere plantam.
Quandoque indecori scabrosus tubere venter 515
Prominet, et densos ramos, circumque malignas
Progenerat frondes, alimentaue debita toti
Imminuit Moro, quae aegrotat squallida ramis.
Infesto facili ratione medebere morbo,
Si penitus valido erueris runcone tumorem, 520
Et plagam solers abrades parte ab utraque,
Unde novus cortex impressos obferet ictus,
Defluat et liber rursus, et nullo objice succus
Vitalis fibras penetret, tenuisque meatus.
Quapropter crebro mordaci cote novabis 525
Runconem, ut caesim languentia brachia demas.
Finditur interdum Mororum fissile corpus,
Stillantique scatet rima putredine mixtus
Mucor, non secus ac Cerafo pellucida gummis
Emanat. Plantae vero sanabis acerbam 530
Prolu-

Proluviem facile, illi si coenumque negabis,
Foecundumque lutum : nimia pinguedine tellus
Ebria quandoquidem nitidam Morum opprimit, humor
Unde obtusus hebet, tumidoque e cortice succus
Morbidus exfudat, totique advolvitur haetae, 535
Et vagus huc illuc vitalem dissipat escam.
Utilium tardus provisor saepe colonus
Diductis circum lucenti vomere sulcis
Thysbaeas plantas affligit semine iniquo,
Exiguum collecturus, vel farris acervum, 540
Vel milii. Hanc, quaeso, a Moris avertite pestem :
Radices etenim compressae a pondere turpi
Seminis, et frugum, nec rores noctis amicos,
Nec pluvias potant lenes, sed Sole cremantur,
Dum Canis aestivum percurrit torridus orbem, 545
Et furit ignivomus. Quapropter languida Morus
Demittit ramos, frondesque hinc contrahit aegras.
Attamen innocuos sulcis mandare lupinos
Assuescunt alii, radices unde leventur,
Sole repercussus ferventi dum aëstuat aer. 550

Postha-

Posthabito fructu stipulas dein vomere ducto
Frondeutes, foliumque virens, et germina crassa
Subter humum sternunt, Moros ut pinguior esca
Nutriat, et vivum duro de stipite succum
In patulos cogat ramos, frondesque minores. 555
Quor curas, et quanta ferax studia exigit arbos!
Disce igitur vigili sudare labore: monenti
Crede mihi: haud pigeat praecepta facessere passim
Singula. Quas tibi tradidimus, Latous Apollo
Nos nunquam leges docuit, sed rustica Musa, 560
Musa assueta humili meditari carmine fontes,
Prata, boves, plantas, segetes, plenosque racemos.
Nos hominumque, Deumque fidem testamur in unguem
Talibus indulgisse modis, Morosque superbas
Eduxisse brevi ramis, foliisque comantes. 565
Te labor, aut sudor, sumptus non terreat ingens
Experiare, precor, gracilis monumenta poetae
Non rerum ignari. Hoc studium nulli aptius aevo
Quam nostro; cultas etenim nos poscimus aedes
Rure palatinas imitantes Caesaris aulas, 570

Con-

Construimusque lares peregrino marmore, et auro,
Regesque immodicis aequamius sumptibus. At si
Cura tibi fuerit Mororum incumbere curae,
Et tibi serica strata aderunt, et stragula inempta,
Conopoea, torique aderunt, et inempta supellex, 575
Unde domus circum fulgebit divite gaza,
Et tandem nimium vexata crumena quiescet.
Vos modo Mororum altrices, nemorisque virentis
Custodes adeo vigilēs, mea numina Nymphae,
Rursus adeste, precor, mihi, et adspirate canenti. 580
Magnum opus aggredior, naturae incognita tento
Morum scrutari ausus contagia saepe
Indomita, et raro agricolae patientia curam.
Occultam, quaeſo, faciles mihi pandite tanti
Naturam morbi, et faustae mihi, siqua medendi 585
Sit ratio, monstrate, viamque docete salutis.
Quod si vota mihi expleta, precesque redibunt,
Morum vobis ferto sacra tempora cingam,
Donaque bombycum delubris serica vestris
Imponam, vestrumque memor pia sacra quotannis 590
Insti-

Institutam, et festum cogam pacana puellas
 Concinerere, et meritas laudes, gratesque referre.
 Saepe ego, cum cogit melfores ficcior aestas
 Tondere auratas melfes, annique labores,
 Jupiter infandum, et nimium miferabile vifu! 595
 Delicium domini, et vicini ruris honorem
 Afpexi Morum paffos demittere ramos,
 Et folia exigua, et frondes crispate fupinas,
 Et totam rigida circum flavefcere pelle,
 Unde repentino mutat fquallore vigorem 600
 Ingenitum, et primam fpeciem variata, decusque
 Occidit, ignotoque arefcit mortua fato.
 Hinc ftupidi circum pueri, flentesque coloni
 Mirantur cafum, quaeruntque exordia morbi,
 Sanandique artem ftudio meditantur inani. 605
 Tot vero ambages vanas, lacrimasque tot inter
 Contiguae pereunt Mori, et difcrimine nullo
 Occumbunt paffim quaecumque fequuntur eodem
 Sulco, nec faturata lues compescit acerbam
 Efuriem, donec fuprema arboris alimenta 610

Imminuat, pestisque adversam subtrahat escam.
 Si correpta domus subito forte aestuet igne,
 Accensaeque trabes crepident, glomeratur apertis
 Liminibus fumus, summa dominantur in aede
 Victrices flammae, et vincunt incendia culmen. 613
 Clamor ubique, pavorque vias invadit, et auras;
 Errantes circum crinem, zonamque solutae
 Accersunt matres natos per tecta morantes,
 Amplexamque manu abvectant aede puellam,
 Implicitusque manu sequitur non passibus aequis 620
 Hunc natu major: coelum clamore mariti
 Exsurdant, patriisque ululantes postibus haerent
 Multa Deos, hominesque iterata voce precantes.
 Accurrunt cives, scalas, lymphamque ministrant,
 Plenosque urceolos effundunt culmine ab alto: 625
 Attamen indomitas volvunt incendia flammis.
 Tecta exesa ruunt: fumat tota insula circum,
 Vicinaeque domus paries jam fervidus ardet:
 Proxima jamque furor flammarum tecta minatur,
 Atque insperatae restat spes nulla salutis. 630

Insu-

Infula tota solo penitus subversa jaceret,
 Consilio ni forte senex maturus, et annis
 Diruere oppositos circum magno impete muros
 Suaderet cives, subtracto utinde objice flamma
 Saeviat incassum, vacuas vanescat in auras, 635
 Et collapsa solo tandem sine lumine fumet.
 Annosas furibunda lues simili ordine Moros
 Aggreditur, cui non studium, aut vis nulla resistit:
 Nam tristi vitata solo, corruptaque morbo
 Vicinae radix robustos arboris artus 640
 Conficit, et succum nullo discrimine foedat
 Vitalem, unde arbor tabescit mortua campo.
 Morbidus occultis primum radicibus humor,
 Nescio quo pacto, sensim sese inserit, hisque
 Corruptis simul infistit violentus, et haeret 645
 Mordicus, unde gravi circum funduntur odore.
 Pestis ubique furit late contagia volvens.
 Forte venenatam Mori si proxima radix
 Radicem tangat, mortalem haec ebibit intus
 Humorem, qui paullatim contaminat illam, 650

Unde omnes passim casu miscentur eodem;
 Sed tantam nunquam pestem, mihi crede, domabis,
 Ni subito eripias grassanti pabula morbo.
 Quapropter solers morientem a stipite plantam,
 Quo nunc institui, convelles ordine. Primum 655
 Confodies terram, donec abstraxeris acri
 Confectas vitio radices: iectibus inde
 Concuties crebris Morum, ut tremefacta superbo
 Vertice procumbat praeceps, quae pondere lapsa
 Ipsa suo omne capillitium fovea eruet ima;
 Quod marra, validaque manu, notoque ligone 660
 Funditus evertes. Foetenti peste jacentem
 Expurgabis humum, si eradicaveris alte
 Singula fila, licet tenui leviora capillo,
 Quae vaga segetae reptant per viscera terrae, 665
 Atque aliis glomerata simul, lacrimabile dictu!
 Contactu maculant turpi quascumque subinde
 Culta illic tellus foecundo alit ubere plantas,
 Quae nigrae nunquam eripias e limine mortis,
 Ni iectibus elato concussas vertice Moros 670

Sol-

Sollicitus binas convellas parte ab utraque,
Antiquasque domos, veteresque relinquare nidos
Attonitas cogas volucres, et tendere in auras.
Morbus enim morbum generat, viresque refumit
Indomitus, vitium diffundit funera sternens 675
Contiguas intra plantas, Morosque colonum
Obterit ex oculis, lassisque vagatur habenis.
Ignaro agricolae, et nimium ne crede superbis
Frondebis : arbor enim conceptam reprimat intus
Paullisper pestem, qua denique victa peribit, 680
Alta licet foliis auras, ramisque lacestat.
His autem ne forte putes me excedere verum,
Exere concussa tenues ex arbore stirpes,
Quas tu si olfacies turpi foedatus odore
Naribus experiere tuis, quod carmine agresti 685
Musa mihi inspirat, quodve experientia monstrat,
Tentatam et tactu linguam torquebis amaro.
Non caveis cupidus viduatis arbore rursus
Committes, Moros, nisi hyems autumnus, et aestas,
Et ver bis revehens alto sua sidera coelo 690

Im-

Imbre, gelu, ventis, siccoque calore, maligno
 Corruptam contagio humum purgaverit. Inde
 Mortiferum flammis humorem distrahe, donec
 Attractas fumo vacuas vanescat in auras,
 Exhaustae ut flammis, dilutaeque imbre serendis 695
 Sint foveae Moris habiles. Hanc exigit artem
 Detestata lues; quam si neglexeris amens,
 Infelix quaecumque foret satio, irritus omnis
 Inde labor Moris, et quivis sudor inanis.
 Sunt etiam caveas saxi qui ingentibus altis 700
 Sternunt, ut tellus exhalet aperta mephitim,
 Cum primum Moros plantant de femine natas.
 Ungula crassa boum a vili jactata macello
 Pinguefacit terram, vitalemque ingerit agro
 Humorem, unde arbor attollitur ardua, et altos 705
 Producit ramos. Quapropter providus unguis
 Congere dispersas passim, quas injice turpi
 Infectas vitio in~~tem~~ foveas, unde humor opimus
 Foecundabit humum, Morosque alet ubere pingui,
 Quas modo substitues mortali a peste peremptis: 710

Plan-

Planta etenim crescet molles ingressa meatus.

Annofo gaudet senio arbor, pluraque crebro

Saecula decurrit, nunquamque negabit avara

Agricolis frondes, semper sed fructibus apta

Ipsa suis vivit viridis, frondosa senescit, 715

Et frondosa itidem moritur: non omnibus una

Arboribus mortis ratio. Infocunda senescit,

Et longaeva Olea, et Pomus, ramosaque Vitis

Affuetos paullatim uvarum amittit honores,

Imminuit frondes, morituraque contrahit umbram. 720

Quapropter senio Mororum parce benignus

Fructifero; opportuna tibi, nec inutilis Indis

Vermibus haec pietas; verum foret irrita Pomis,

Vitibus, atque Oleis. Primum natura cuique

Imposuit nulli revocandas provida leges, 725

Ortusque, occasusque dies, quas nulla neque aetas,

Aut erit ulla potis longa unquam abolere vetustas;

Ac veluti ora senum candenti squallida barba

Foeda notat macies, et arat tristissima ruga,

Sic rugis cortex Mororum turpis aratur, 730

Inva-

Invalidisque arbos ramis effoeta fatiscit.

Planta igitur proprium patitur Thisbaeia casum,

Jejunoque negans bombyci pabula nota

Deficit acta gravi morbo, vel fegnior aevo.

Sufficienda igitur morienti vivida Morus. 735

Languentem deturbabis radicibus agro

Plantam, quæ, solido furgat si corpore recta,

Haud equidem obscuris fuerit tradenda caminis;

Sed potius ferra afferibus mordente resectis,

Atque manu leviter circum, ferroque dolatis, 740

Dolia conficies oleo, dulcique Lyaeo

Apta reponendo, plenas tuæaris ut annos

Ad multos cellas: fragranti spirat odore

Haec arbos etenim, et fero corrumpitur, unde

Cuique est apta operi, docilisque in quamque figuram. 745

Brachia curva tamen, cruda internodia, ramique

Exigui meliorem alias fornacibus escam

Præbebunt, quando deglubes flamine vermes

Aurato, unde dabunt nitidissima fila tumentes

Folliculi. Stirpes quoque si exsiccabis amaras 750

Pro-

Providus, et pila curabis pinsere athena,
Ut circum volitent leviores pulvere, febris,
Tempore quae alterno itque, reditque, medebere, pura
Si has miscebis aqua, vinove, aegrisque bibendas
Ope redundanti praebebis. Flavus Apollo 755
Talia nos docuit; tanto medicamine nostrae
Profuit Italiae, haud aliter quam cortice amaro
Donavit populos ultra Gangetica natos
Littora, quem pretiosum auri mercamur acervo
Hactenus industrem curam, morbosque malignos, 760
Et fructus dixi Mororum, avidosque colonos
Mutare exiguum magna mercede laborem
Edocui, et dominos campis incumbere avitis,
Dum Mars composito tandem feliciter orbe
Restituit duros ad munera nota colonos. 765
Optatae fruimur tranquillo pignore pacis.
Sat dubiis Bellona Europam terruit armis,
Austriadesque sacros Marti, Gallosque minaces,
Atque Boristenedas Riphaeo fidere duros,
Assuetosque armis Svecos jam foedere junctos 770

Impulit in dices Anglos, pelagoque potentes,
 Contraque indomitos armis, fortisque Botuffos,
 Amisia unde, Albiſque, tumens, rapidiſque Viſurgis
 Corpora clara virum, peditumque, equitumque catervas
 Proſtratas ferro ſpumantibus obruit undis. 773
 Terra, triumphantem immauro funere Druſum
 Quae eripuit, veterum memoravit caſtra Quiritum
 Formidata olim Chaucis, rabidiſque Cheruſcis,
 Quando Aquilas invicta tuas, Thereſia, vidit; morp
 Magnum illas etenim robur, Te maxima virtus, 780
 Romanis aequat: cum autem Friderice phalanges
 Impavidas Generoſe movebas attonita acres
 Cenſuit e gelido rediſſe Alifone Sicambros,
 Fulmineos Catos, Rugios, veteresque Sidones,
 Quorum ingentem animam, virtutemque Aentulis aequas. 785
 Belligeras foveat lauros, agitatus iniquis
 Qui fatis aliena cupit, Lacerata: cruento
 Marte Europa diu, tandem felicitis olivæ
 Nunc ſtabili fructu, et diuturna pace fruatur,
 Funera ſat flevit miſeranda, ſatiſque ruinas? 790

.mi

A

Et

Et satis hostilis, patrii sat sanguinis hausit.
 Theutonicas acies paribus concurrere turmis
 Inter se vesana satis Bellona coegit.
 Dum tot Mars alibi caedes, tot funera stravit
 Plena Ceres late campos foecundet apertos, 795
 Unde seges victum nobis iustissima fundat,
 Bombycesque eadem Moris, bombycibus urbes
 Augeat (haec olim Saturnus saecula agebat)
 Horrida sic alii celebrabunt arma, virosque,
 Atque triumphatos populos, et regna subacta: 800
 Mi Moros sat erit cultas dixisse colonis,
 Et sterilem docuisse agrum, vacuosque novales,
 Arvaque neglecta assiduo parere labori,
 Bombycumque amplo proventu reddere fructum.
 Alma parens frugum campestri parce poetae, 805
 Qui gracili Mororum complectens carmine curam
 Non nocuit segeti. Te Caesaris inclyta Proles,
 Numina Bojaridum cui res augere dederunt,
 Et regere imperio populos, et sceptrum tenere,
 Te precor interea nostrum neu sperne laborem, 810

Sit quamvis tenuis . Si opus exiguum , utilis ausus
Saltem erit , unde alii mea forte exempla sequuti
Quid majus graviore lyra , Te Principe , dicent :
Nec Maecenatis cupient illustria saecula :
Illa etenim revehis celfo de vertice Pindi 815
Romanas revocans Mufas , et Palladis artes
Labentes , Sophiaeque , unde ingenia alta virorum
Indigno aetatis luxu vitiata resurgant .
Tu illis praefidium , Tu laus , Tu maxima merces .
Hisce sub auspiciis crescet praeclara palaeſtra , 820
Illa palaeſtra viris per te ſapientibus aucta ,
Auroque , et titulis cumulata , et honoribus amplis ;
Scilicet Europae facta eſt clariffima tori .
Illuſtres inter Socios , et teſſera noſtrum
Nomen haber , citharam quatiunde ſuperba Camoena , 825
Atque vias mecum celfas affectat Olympi .
Egregii ſurgent Socii , quos Gallus , et Anglus ,
Quos merito Theuton , Italusque extollet honore .
Principis inter tot curas , tot pondera rerum
Quandoque ad graciles etiam deſcende Camoenas , 830

Non

Non etenim facient ingrata Tibi otia Musae.

Aurea Bojariae interea tua saecula vive,

Augusto siquidem virtutes Principe dignas

Ad folium elatas laetus mirabitur orbis.

834



C A R M I N U M
L I B E R

ALOYSII COMITIS DE MINISCALCHI

PATRICII VERONENSIS.

SERENISSIMO
MAXIMILIANO JOSEPHO
 BOJARIAE DUCI
 S. R. L. ELECTORI &c. &c. &c.
 O D E.



Ugusti Soboles inclyta Caesaris,

„ O et praesidium, et dulce decus meum „

Si dudum impositae rustica arundine

Leges arboribus laude tument Tuis

Quaesita auspiciis; Hendecasyllabi

Cur moesti invideant, atque Elegeiae?

Nunc fusae illecebris, nunc gravibus modis

Errantes volitant, et cupiunt sibi

Patronum. Miseris ut faveas, precor,

Ne fatis pereant tristibus obrutae.

Sacrabo calamum sic humilem Tibi,

Argutamque lyram. Sistite carmina.

Fausto laetus ero numine, si mihi

Princeps adfuerit: nam feriens polum

Forſan egregiis tollar honoribus.

NAR-

N A R C I S S O.

ELEGIARUM.



I

Ur Narcisse tuam nimio deceptus amore
Formam fallaces aspicias inter aquas?

Ne tibi crede nimis, ne crede fugacibus undis;

Amnis enim nitidus tristitia fata parat.

Auratos crines, malas, oculosque micantes,

Molliculosque artus obruet unda rapax.

Flos eris : a teneris, ut flos, tractabere Nymphis,

Sed te ultra fatum non finet esse virum.

Echo, quam dudum spreveristi incautus amantem,

Gaudet, dum tua cum corpore forma perit.

Temnere quos Vir eras ausus, damnabere posthac

Flos expers sensu condecorare sinus.

S

D

*In funere Marcionis Joannis Baptistae Spolverini
Socii Philarmonici laudes habitae in Aedibus
Philarmenicis.*

II

Credideram laeta me posse incedere lauro,
Credideram notos promere posse jocos;
Haud tamen hic Musas laurus, sed moesta cupressus,
Haud nos ludi, sed carmina moesta decent.
Ac veluti conjux cara viduata marito
Ululat, et teneras solvitur in lacrimas,
Sic nuper nobis ereptum funere acerbo
Ingemit insignem nostra Palaestra Virum.
Nec potis ipsa gravis curas lenire doloris
A nobis poscit munera Pieridum,
Munera, quae celebrent digna pro laude Poetam
Illustrem, illius et gesta superba canant.
Et merito. Ille etenim moriens secum abstulit una
Flores Musarum, et delicias Charitum.
O quoties Socii vati plausere canenti
Digna equidem culto carmina Virgilio.

Queis

Queis sacra messis, adhuc nostris incognita Musis,

Clarorum volitat docta per ora Virum.

Extulit ut primum complexam candida messis

Carminibus frontem, gestit alma Ceres,

Isis et ipsa simul Nili septemplici ab unda

Verfavit laeta carmina culta manu.

Multivagos docuit Vates deducere fontes,

Et lentos cursu cogere in arva pari,

Exiguoque lacu leviter substernere campum,

Supposuitque novis legibus Oryzium:

Atque cavo instituit de marmore glubere granum,

Jupiter! alpinis candidins nivibus.

Carmina quid memorem? sacundia linguae,

Illustres artes, ingeniumque sagax

Vexerunt clarum Vatis super aethera nomen.

Sed pietas morum, Religio in Superos,

Rectique incorruptus amor cinxere Poetae

Insignes ferto nobiliore comas.

Felices animae, quarum dum vita manebat

Et Sophiam, et Musas cura fuit colere

S 2

Aeter-

A tantum

Aeternas inter lauros, sedesque beatas

Eximio sedem constituere Viro.

Parca nefas, praeclarum aliis hunc adde triumphum,

Parca nefas, virtutum omnium amara cinis.

Invida truncaſti pretioſae ſtamina vitae;

Hinc gelido corpus marmore contegitur.

Flebilis explevit ſupremos Praefica honores;

Quid tibi nunc aliud provida fata ſinunt?

Immortalem animam virtus clariffima Vatis

Jamdudum ad placidos tranſtulit Elyſios,

Scriptaque perpetuam Vatis per ſaecula famam

Diffundent ulla non peritura die.

D E L I A.

DI noſtris tandem precibus riſere ſecundi,

Finemque ingratis impoſuere jocis,

Verſantique mihi medio jam turbine amoris

Reſtituere albos, et ſine nube dies.

Quale

Quales apparent, oculis discerno colores,

Nec vanis ultro fallor imaginibus.

Foemineos didici ludos, risusque dolosos,

Grandia et optatâ vota carere fide.

Ut primo captum sensit me Delia amore,

Verba mihi glacie frigidiora dedit.

Tunc veluti lapis obrigui, expressique virilis

Roboris irriso pectore quidquid erat.

Unde mihi alma quies rediit, fortique catenas

Non aptas animo sustinuisse pudet.

*Laudes Comitum Joannis Baptistae Sottovia egregii
Timidorum Academiae Mantuanae Socii.*

I I I I

MAntua compositos tandem dissolve capillos,

De flavo auratam vertice tolle mitram.

Exue fasciolas teretes, et vincta papillas

Lucentes strophio contege funereo.

Denuda molli squallentes tegmine furas,

Moeftaque turgidulas ore cie lacrimas.

Min-

Minciades Nymphae, quae olim flere Maronem,

Flebilibus poscunt carmina mixta modis.

Egregium vatem precibus mors nescia flesti

Jamdudum nostris abstulit ex oculis,

Omnia quocum urbis perierunt gaudia tristis,

Et flentes Pindo conticuere Deae.

Proh dolor ! illustris periit pars magna Palaestrae,

Quis vestrum, Timidi, contineat lacrimas?

Praeclarus vates quoties plaudente corona

Aut coluit Sophia, aut carmine vos aluit.

Ille etenim enucleans naturae arcana, vel ore

Candidulas miscens carminibus Veneres,

Foemineas aures dulci mulcebat avena,

Eloquioque gravi fortia corda Virum.

Tractare Etruscam citharam, tractare Latinam

Arguto vates fuerat ingenio.

Non urbis lacrimae, tristis non vota Palaestrae,

Vatumque assiduae non valere preces.

Pallida, quae cunctos simili, mors, funere sternit,

Immiti Vatem perdidit interitu.

Ille

Ille per Elyfios felicia tempora ducit ,

Qua vates promunt carmina digna Deo.

Inter honoratas lauros, hederasque virentes

Praeclarus vates eminet ante alios.

Manibus egregiis summam dum Praefica pompam

Perfolvit, fumat dum ultima flamma rogo,

Mantua compositos tandem dissolve capillos,

De flavo auratam vertice tolle mitram.

Illustres cineres pario compone sepulchro,

Et refer extremas manibus exequias.

Interea, Timidi, gelido haec inscribite busto.

Hoc lux virtutum marmore contegitur.

Era il giorno, che al sol si scoloraro ec. Petrarca.

Versio.

V

Moesta dies aderat, qua sol squallebat Olympo

Divini Artificis funera amara gemens,

Cum formosa nimis vultu me, laura, petisti,

Incautumque oculis implicuisti animum.

Tunc

Tunc temere fretus sancto moreore diei
Spernebam Veneris robur, et infidias.
Undique dispiciebam audax; cum, vulnere aperto,
Heu cecidi communem inter amaritiem.
Me pharetratus Amor penitus deprendit inermem,
Pectusque indomitis exagitatum oculis,
Qui lacrimis tumidi multos maduere per annos;
Attamen illi laus nulla, decusque fuit,
Me crudis miserum telis laesisse, tibi que
Auctae magnanima vi occuluisse manum.

In Festum Conceptionis B. M. Virginis.

V I

EXpectata diu nobis Aurora refulsit
Fulgentem clara luce diem referens.
Hanc Abraham, hanc Moyses, hanc optavere Prophetæ,
Hanc Superi optarunt, et genus omne hominum.
Iustitiae facies audacis crimine Patris
Occiderat, morumque occiderat pietas.

Pan-

Pandebat latrans immania Cerberus ora,

Et coeli stabant duro adamante fores.

Arida telluris facies, pallentiaque astra,

Nox sine rore silens, et sine luce dies

Atraolvebant homines caligine, et orbi

Horridus instabat mortis ubique pavor.

Interea Omnipotens postrum miseratus, ab alto

Communem casum fidere prospiciens,

Quae quondam Solymae sancti cecinere Prophetae,

Promissa expleri mystica constituit.

(Nec voces latuere tuae, nec fervida vota,

Unde fatigasti hanc inclyta Virgo diem)

Mortalem terris confestim dissipat umbram,

Et tenebras circum, et nubila tetra fugat,

Nocturni subito coelis cessere vapores,

Astraque fulserunt candidiora polo.

Phosphorus apparet roranti lumine amictus

Venturae lucis nuncius, atque comes.

Tunc spes afflictas auxit mortalibus aegris

Vires, erexitque anxia corda hominum.

Albuit in primis, posthac Aurora refulsit
 Patribus optatam progenitura diem.
 Lilia, narcissos sparsit, violasque, rosasque,
 Suavique aethereas mulsit odore vias.
 Lucem equidem tantam, flores totidemque venustos
 Divini decuit sternere Solis iter.
 Jure igitur, tanti Genitrix aurora dici;
 Religio vatum te sine labe canit,
 Concordeſque tuis humiles advolvitur aris,
 Quod letho erepti vivimus incolumes.

* *Peſtrid. Kal.
 Sept. A. 1757
 Aethes præ-
 rupto aqua-
 rum autu plo-
 rasque Veronae
 insulas inun-
 davit, & in-
 clinata Turre
 marmoreum
 pontem absor-
 buit.*

• Vivimus incolumes, quamvis immanis aquarum

Moles Theutonicis montibus, atque Italis
 Decurrens nuper magna vi, et pondere nondum

Ullis conscriptum, jupiter ! historiis
 Terruit urbem, Aethesque effuso gurgite victis

Aggeribus coeno turgidus exiluit.
 Turre inclinata avulsit, lacrimabile dictu !

Pontem, quassavit templa, domosque furens,
 Et mortis faciem ostentavit ubique, diemque
 Supremum. Sed cur tristitia nunc memorem ?

Me

Me decet exultanti expromere carmina plectro,
Certatimque sacram concelebrare diem.
Incolumes modo, sancta Parens, quæ vescimur aura,
Qua fruimur modo, lux, et vigor, omne tuum est.
Littoribus nostris tales averte ruinas,
Aethereasque tuo numine pande fores;
Ut quæ devoto canimus mysteria plectro
Hisce oculis clare cernere nos liceat.

*In Funere**Marchionis Scipionis Maffej.*

V I I

O Decus, o Patriæ lux, quo mors te impia cogit,
Curve tuos tantis deferis in lacrimis?
Siste, precor, gressus, miserans patriumque dolorem
Lethæo referas gurgite, quaeso, pedem.
Tristior ulla dies etenim non luxit Olympo,
Horaque nulla unquam, Scipio, flebilior,
Qua nuper Libitina ferox te funere acerbo
Aufa est heu! nostris abstrahere ex oculis.

O utinam rursum vates Rhodopejus adiret

Rapturus Stygiis sedibus Euridicen!

Ipse egomet premerem sacri vestigia vatis,

Transgrederer cupidis nigram Acherontis aquam,

Impositumque humeris, ut patrem Troius Heros

Anchisen, Erebi e limine te eriperem.

Sed quid vana loquor? non exorabile fatum

Te urget, non Erebum grandia vota movent

Sic crudae cecinere Deae, cum barbara dudum

Mors tantum nobis furda Virum raperet.

Hic igitur mihi Pierides, occurrite crinem

Incomptae, atque genas lacrimulis madidae.

De collo vestes fluent sine lege solutae,

Pendeat et tristi rauca manu cithara.

Diffugiant risus noti, lususque recedant,

Me luctus modo, me carmina moesta vocant.

Este mihi comites, mecumque ululate, querelisque notatis

Nostra Arcthis resonent littora flebilibus.

Lux Patriae, Italiae lumen, pars optima Pindii

Massejus morti, prohi dolor! occubuit.

Hinc Dryades, et Amadryades, Charitesque vicissim
 Lugent, extinctos ut Niobe pueros.
 Moerentes Nymphae celebrant longo ordine laudes,
 Egregiique Viri gesta mihi memorant.
 Ostentant docta vestis ex urbe Quirini
 Etruscas Musas, Arcadiosque choros.
 Undique collectos lapides, monumentaque priscis
 Gnaviter huc illuc eruta temporibus.
 Aedibus ille Philarmonicis pycnostyla struxit,
 Quae veteres statuas, quaeque anaglypha regant,
 Thufcis disposuit, doctisque insculpta Pelagis
 Marmora, Romano signa reperta foro.
 Aere nitent tituli, Pario de marmore pendente
 Vota, atque eximia sculpta sepulcra manu.
 Religio, vestes, mores, connubia, leges
 Et ludi, chorae, et parva trophoea Viris,
 Atque hederæ apparent clarorum præmia varum,
 Quidquid et antiquae suppleat historiae.
 Saepe humili focco, regali saepe cothurno
 Indutus scenas magna quidem docuit.

Comicus urbanae irrisit contagia vitae,

Gallorumque modos qui obruerant Latium.

Fortunam, Menopis tragicus variam ille theatro

Protulit, et nostras dissoluit lacrimas,

Cui pleno plausere chori clamore, simulque

Infandos casus ingemuit populus.

Barbaricas leges evertit, juraque honori

Falsa ex Aufoniis urbibus eripuit.

Illustres hominum coetus, doctaeque palaestrae,

Lipsia, Parisii, Felfina, et Oxonium

Grandia mirantes divinae munera mentis

Illum praeclaris inferuit titulis;

Quid palmas memorem, quas illi Aurelia plausus

Inter communes obtulit Allobrogum?

At mea me nimio duxerunt carbasa ponto,

Carbasa, vix etenim lenibus apta vadis.

Audacem revocare gradum nimis aequore vasto,

Atque ratem cogor reddere littoribus.

Benacique Deae, Charitesque, Athesisque Camoenae,

Atque urbs sollicitis ora rigat lacrimis;

Jam-

Jam-

Jamque silent citharae, et fletum pro carmine Musae

Promunt, et restat nil, nisi amarities.

Virtutes lugent moestae, feretroque sedentes

Tristia Maffeo munera perfoliunt.

Extinctum Italiae lumen viduata sequamur

Musa igitur luctu, tristibus et lacrimis.

Grandia qua surgunt veterum simulacra Virorum,

Marmoreus medio surgat et ille foro,

Moribus ut pravis misere vitiata Juventus

Denique segnitiam pectore discutiat,

Et discat, doctis quos reddat Patria honores,

Quos ponat titulos, quae monumenta Viris.

In nuptias Comitis Alexandri Bevilacqua

Cum Comitissa Margherita Negroboni.

V I I I

CLarior ulla dies vobis non fuit Olympo,

Horaque nulla unquam candidior, Juvenes,

Pectore qua dudum compressos excitat ignes

Finem tot lacrimis impositura Venus,

Opta-

Optatosque toros demum, taedasque ministrat,

Mutua queis facilis vincula rumpat amor.

Caenomanum hic adsint genii, genique vetustae

Urbis, quam nostri dividit unda Athesis :

Ipsa aetas adsit magnos visura Nepotes,

Digna quidem tanti munera conjugii;

Egregiisque omnes mecum plaudant hymenaeis,

Inspirentque mihi carmina fusa jocis,

Dum thalamos, o Sponse, tuos, tua gaudia, Sponsa,

Concordeque faces incipiam canere.

Blandus Amor dudum gremio Cypriae Genitricis

Haerebat promens illecebras oculis,

Sollicitusque homines duris agitare sagittis

Celsis dispexit fideribus juvenes

Innuptos huc illuc, innuptasque puellas,

Intenditque oculos, qua unda fluit rapidi

Mellae, quave Athesis praeceps agitur decursu;

Hic patriis Juvénem moribus ingenuum,

Caenomanumque decus lustravit forte puellam

Illic, non aliis ante cupidinibus

Con-

Contactam, cui pulcra Venus formam addit, honorem

Pallas, cui Charites quidquid amabilius.

Tunc inverſa acie matrem ſic ore locutus.

Quam ſibi belle iſtae conveniunt animae!

Da mihi, ſupplicibusque meis precor adnue votis,

Illas praeclaro jungere connubio.

Cui ſic alma Venus: ſubito i, primaſque favillas

Inſere peſtoribus: ſic mihi gratus eris.

Dixerat, et natus vento levioribus alis

Libratus teſtis labitur aethereis,

Inſtruſtusque humeros arcu, pharetraque lacertos

Ibat, corytoque undique clauſa dabant

Spicula tinnitum: occultus velut umbra volabat,

Adductoque arcu conſtitit, atque oculo

Contra Atheſim patrem candenti crine nitentem,

Extendens docta conſcia tela manu.

Percuſſas improviſo ſonitu quatit auras,

Fortemque extemplo corde Virum feriit,

Qui ignarus fati obſtupuit, caſumque volutans

Ambiguum primam ſenſit amaritiem.

Funditus ignotam concepit pectore flammam,

Exarsitque novis fervidior facibus.

Cunctas miscet Amor venas, imasque medullas,

Cunctam vulnus mentem occupat, atque animam.

Interea Mellae flavas proceffit ad oras

Arcitenens pectus Virginis aggrediens;

Jamque illi expansas confestim praebeuit alas,

Et teneris flammis offibus implicuit.

Expertus juvenis vestigia amoris adivit

Caenomanos fines, sic sua fata sequens.

Qualis in apricis volucris confossa sagitta

Cerva furit velox aegra trahens latera

Vulnere mortali, et fumanti nigra cruore

Terga, salutiferi gramina amata cupit

Dictamni, passimque aerem rimatur odorem,

Qui miseram mortis limine restituat.

Vix huc devenit Sponsus, formosa Puella

Se obtulit, ora gerens Palladis, atque habitum.

Sic pueri Idalii felicia iussa ferebant,

Sic Mater miris se insinuata modis

Juf-

Iusserat. Ut magnes ferrum cognoscit anhelum,
 Attrahit atque tenax omne genus chalybum.
 Sic Juvenis coepit demissis Virginem ocellis
 Compresso, raros corde movens gemitus.
 Illa oculos declinans suspiravit in illum,
 Atque in amore ambo deperiere pares
 Prima avidis tandem miscentes gaudia curis.
 Quas voces dederint, quas lacrimas penitus
 Ignoro: Cytheraea Venus, Gnidiusque Cupido
 Illecebras molles, et lacrimas docuit.
 Salvete, o taedis Juvenes felicibus aucti,
 Atque annos ambo vivite Nestoreos:
 Optatas properate simul perducere noctes,
 Dum Matri Idaliae gaudia vestra sacro.

*Hypemnestra: Tragoedia Nob. Hieronymi Pompei, Soc.
 Philarm. acta a Nobilibus Matronis, et Nobilibus Vi-
 ris in aedibus Philarmonicis. A. CIOIOCCCLXVIII.*

V I I I I

ATtica nunc stupeant, stupeant Thebana theatra,
 Magnum aliquid nobis protulit Italia.

Mitis Hypermnestrae Vates praeclarus amorem,

Et casus nostris exhibuit lacrimis.

Matronae egregiae, egregii cinxere cothurnum

Atque Viri, dignum, Jupiter! Euripide.

In Nuptias.

X

NOx erat, et tardo permittens lumina somno

Languida securo membra toro dederam.

Jamque soporiferis Morpheus me texerat alis,

Nec vigor hesternus, nec mihi sensus erat.

Cum mihi visus adesse accensis Aetna caminis

Qua furit, et flammās arida terra vomit.

Hic ego Mulciberem vidi, sociosque Cyclopas

Crudam fingentes duritiem chalybum:

Immanis Steropes, Brontes, nudusque Pyracmon

Brachia tractabant dura labore pari.

Hic aurum, chalybenque alii fornace reponunt,

Unde simul commixta aera soluta fluunt.

Infor-

Informem subito calidis incudibus aptant

Massam, quae alternis ictibus acta gemit.

Binas deducunt virgas, quas protinus acri

Expoliunt circum dente, manuque levi.

Hinc Steropes patri Vulcano porrigit arte

Docta opus inceptum : Lemnius inde senex

Exacuit trifida fulgentes cuspide virgas,

Et cuspis divino ex adamante micat.

Hic Puer Idalius, Vulcani hic adfuit una

Sponsa, Deae crines, os, habitumque gerens.

Ecce meâ, Conjux, perfectas arte sagittas

Mulciber, ecce, inquit, munera nunc tribuo

Grata tibi : Egregium miratur diva laborem,

Et nequit expleri, et versat opus manibus :

Pennigero posthac divellit tergore Nati

Plumas, quas summis inseruit jaculis.

Accipe, care Puer, rapidusque in nobile vulnus

Munera tanta adhibe. Vix ea fata Venus,

Nec dum visa mihi in tenues evanuit auras,

Sopitisque incassum hanc sequor inde oculis.

Fle-

Flectere dum conor dubiam per singula mentem,

Excutor somno, restitutorque mihi.

Interea Adriaco transvecta ex aequore fama

Huc venit vestri nuncia conjugii,

Illustres sponfi : resonat Verona hymenaeis ,

Et forti captas dicit amore animas.

Saepe Tonans ignota illudit imagine mentem ,

At nos vera tamen somnia saepe docent.

Augeo nunc igitur communes carmine plausus,

Concordique cavam pectine pulso lyram.

Si vos praeclari juvenes celebri arte Cyclopum

Mulciber , et Venus, et dulcis Amor feriit,

Numina tanta precor mutent modo tela catenis,

Quae duplices uno corde animas teneant.

Non peritura adsit thalamo concordia vestro,

Et vos aeterno foedere jungat Hymen.

Magnanimos properate igitur producere Natos,

Qui virtute pari gesta Patrum memorent.

Aldo-

Adolescentulo Leonardo Comiti de Miniscalchi F. Equiti Hyerosolymitano degenti in Coll. Brixienfi Comes Aloysius P.

X I

NIl mihi tu poteris quidquam jucundius unquam

Scribere, quam junctum carmine epistolium.

Sic devincis enim teneri me pignore amoris,

Et simulac dulci munere Pieridum.

Quae tibi sit vitae ratio, quae cura Palaestrae,

Candidulis Elegos versibus explicuit.

Ne tamen immodicus musarum te abstrahat usus,

Curabis libros volvere Socraticos.

Te officiis equidem recte civilibus illi;

Ingenuisque simul moribus instituent.

A patre edoctum te olim haec didicisse juvabit,

Nate, mihi vita carior, atque oculis.

Creditus ut ratibus primum Melitenfibus alti

Tentabis vastas aequoris ire vias,

Sollicita a Matre, a vigili Genitore remotus

Una aderit virtus duxque, comesque tibi.

Te

Te haec formabit avis dignum, proavisque nepotem.

Sic Genti augebis, sic decus et Patriae;

Sive Equites inter praeclaros otia deges,

Qui invictis praefunt littoribus Melitae:

Sive triumphandos contra Afros bellica signa,

Indomitasque rates strenuus impuleris.

Non auri pondus virtutem comparat ingens,

Sedulus at mentis, sollicitusque labor.

Non te nox vigilata igitur deterreat unquam,

Non fudata dies, si cupis esse aliquid.

Te fraternus amor, pietas sanctissima morum

Dirigat assidue, et candida Religio.

Sic virtus crescentem aetatem fida sequetur,

Et noster tecum sic adolescet amor.

Sint haec cum dulci communia carmina Fratre,

Quae vellem, ut concors frater uterque legat.

IN PASSIONEM DOMINI.

Habita in Aedibus Pbilarmonicis III Id. Febr.

CICIDCCLXVIII

Cum primum musica compositio in Hymnum

STABAT MATER

a MAXIMILIANO JOSEPHO BOJARIAE DUCI, S.R.I. ELECTORI &c. &c. &c. docte elaborata, et perhumaniter Academiae Pbilarmonicae inscripta audiretur.

X I I

Mœsta dies luxit, qua Sol commotus Olympo

Squalluit, et taciti constitit unda maris.

Obrigit tellus, siluit natura, et inertes

Nutanti stellae contremuere polo,

Obstupuitque cohors Superum perculsa dolore

Divini Artificis funera acerba gemens.

Hanc Abraham, hanc Moyses, David, veteresque Prophetæ

Oppressi in lacrimis hanc cecinere diem.

At Coeli tandem Christus pia vota peregit,

Et vanæ Patrum non rediere preces.

Ecce hominumque Sator summus, rerumque Creator

Supplicio inamiti, proh dolor! occubuit.

X

Jam-

Jamque Cruci affixus crudeli vulnere apertum
Ostendit latus, et membra cruore rigat,
Nec potis ingentes ultra perferre dolores
Divina abrupto corpore vira abiit,
Et secum coeli periere, et gaudia terrae
Cuncta simul communem inter amaritiem.
Nec dum Adam infelix divino sanguine rorans
Illacrimas, tua quod detinet ossa, solum?
Inconsulte Parens, tandem tua crimina disce,
Illa etenim tantae causa fuere necis.
Tu vitio primus fregisti gaudia nostra,
Unde effusae homines obruerant lacrimae:
Nunc furit omne nefas totum sine lege per orbem
Per te, per te Erebi lurida porta pater.
Hic sanctos mores, hic Religionis honorem,
Virtutum hic nobis dona beata tulit.
Hic moriens, summi hic nobis referavit Olympi,
Quae dudum stabant duro adamante, fores.
Surge Adam infelix: Jesum venerare peremptum,
Et tua nosce ex his crimina vulneribus.

Nos fletumque tuum sequimur, gemitumque canentes

Tristibus infandam versibus historiam.

Vos igitur vates graviōri expromite plectro

Carmina, quae vobis Pieridae dederunt:

Namque parat Magnus regali munere Princeps

Concentum vestris reddere carminibus.

Jam mea musa filet divino funere tristis,

Et madidam luctu profilit in faciem.

Oh hominum crudele genus! si talia fando

Irriguis oculos temperet a lacrimis.

In Festum Conceptionis
B. V. MARIAE
Pbalaeciorum.

I

Hic adsint pueri, precor, tenelli,
Hic adsint tenerae, precor, puellae,
Et ferant manibus ligustra plenis.
Narcissus calathos, rosisque fufos
Primis, et pede libero vicissim
Exultent, scelerisque corde puro
Integri, labiunculisque dicant
Hymnos innocuis, simulque plaudant.
Nobis illa dies refulget, illa,
Quae dies superat nitore cunctas.
Oriens celebranda Virgo. Virgo,
Quae Verbum gremio tulit salutis
Non experta torum, virique tactum,
Sed perfusa sinum superni amore
Tantum Spiritus. Illa Virgo Cynis
Praenitet, nive, lacte, liliisque

Quo-

Quove candidiusque , pulcriusque .
Aura purior est , et astra vincit
Luce . Quas vitio truci parentum
Nascentes trahimus , nimis miselli ,
Non novit maculas : nitens sed orta ,
Et nitens genita a Parente pura .
At quo me rapit impudenter oestrum ?
Me leves solitum , facetiasque ,
Et nugas canere , et jocos profanos ?
Lux tanta implicuit meos ocellos ,
Et desum ipse egomet mihi , paresque
Vires tanto oneri ; meis vocatae .
Incaustum digitis fides filescunt .
Vos ergo pueri , precor , tenelli ,
Vos rursus tenerae , precor , puellae
Integris labiunculis , pioque
Corde dicite Virginem micanti
Luna , flammigeroque clariorem
Sole . Mi sat erit sua rogare
Virginem me ope sospiter misellum .

Voi che ascoltate in rime sparse il suono etc. Petrarca.

Versio.

I I

O Tu , qui numeros legis profusis
Conscriptos lacrimis , nimis molestat
Eheu pectoris impudentis escam ;
Cum primis animus furebat annis,
Nunc promens gemitus , modoque versus
Spe offusos dubia , et dolore inani .
Si te unquam feriit Cupido , me me
Eriges miserum , piusque parces .
Conscius populum tamen , virosque
Me illufisse satis , levesque amores ,
Tardus afficior meo pudore .
Infano hoc pretium datur labori
Et taedere , itidemque scire , coecos ,
Nisi fomnia nos amare , et umbras .

In mortem Pippi, Canis Veicetini.

I I I

TE frustra lacrimans, Catelle, posco,
Catelle o Domino magis, magisque
Care, o delictum puellulorum
Omnium Berici. Tument ocelli,
Squallet luteolus, colorque candens,
Flosculusque tener tuae juventae.
Non lucent maculae diu nitentes;
Sed extinctus abis, viamque carpis,
Qua fatum vetuit redire quemquam:
Nunc circumvolitas catellulorum
Umbras, perque Stygem vagaris atram.
Heu tu non hilari micans jocabis
Cauda, nec digitos levi incitabis
Morfu, uti facilis prius solebas.
Tuam quis vigili fidem latratu
Servabit, dominoque blandietur
Ipsa aura levior latus per omne,

Nunc

Nunc circumfiliens, modoque ludens ?
Flendo turgiduli madent Dianae
Ocelli, nemorumque, et usque lugent
Nymphae, quae Lepores diu fugaces
Te videre agitantem, avesque acutis
Dentibus domino tuo ferentem.
Quidnam moestus agam ? Sequar solutos
Vita nunc cineres, meisque bustum
Signabo hendecasyllabis. Sepulcro
Inscribam, memorere ut aevo in omni,
Hosce versiculos. Ego Catellus
Pippus hic jaceo : comes sequaci,
Et custos Domino fui fidelis.
Celavi studia, illiusque amores
Secretos : docuique iter quietum
Per mutas tenebras. Miser peregi,
Vix heu ! tres hyemes : nimis cruenta
Me Atropos rapuit : tene Viator,
Si potes, lacrimas, piumpque luctum.

Ad Comitem Willelmum Bevilacqua.

CUr me tam nitidis tuis, Amice,
 Adhuc verficulis finis carere ?
 Anne te Dryades, lævæque Fauni,
 Molesti nimium ! a tuis amicis
 Sevocant ? Nemoris sacri recessus
 Fontes, otia ruris, et virgæ
 Narcissis variata, liliisque
 Te satis tenuere. Me poetam
 Doctis virginibus fere relictum
 Tu modo recrea lyra suavi,
 Dejectumque animum præcul Camœnis
 Erige : ingenium sopore languens
 Excita æonio tuo furore ;
 Unde fervidus ipse dulciori
 Avena referam tuos amores,
 Artes, et studia, omniumque morum
 Quidquid candidus, magisque blandum
 Te summo inferuit choro Dearum.

*Ad Puellam
Monasticam institutionem amplectentem.*

V

UT florem tenerae impotenti amore
Exoptant tenerum simul puellat,
Florem, quem Zephyri, suaviores
Demulcent, tepidique noctis imbres,
Et ros aethere puriore lapsus
Nutrit, quem tepesfacta sole tellus
Mitior fovet, rigatque saxo
Fons manans nitido, fluensque lenis;
Quo sepes prohibent malas capellas,
Et morsus pecudum voraciores.
Hunc florem ut tenerae impotenti amore
Exoptant tenerum simul puellae;
Sic te fasciolis, amicta duris,
Asperamque diu ligata virgo
Zonam Rex superum cupit, vocatque
Sponsam. Surge igitur Deo dicanda
Virgo. Candidior tibi refulget

De-

Demum laeta dies : ubique plausus
 Coelestes resonant ; ubique tellus
 Exultat ; stygis invidique manes
 Frustra dentibus atterunt catenas ,
 Ingentique ululant furore tacti .

*Marcbionis Scipionis Maffei Socii Pbilar-
 monici Effigies .*

V I.

MAffei effigiem , diserte lector ,
 Si desiderio cupis videre ,
 Qualemcumque mese mihi Camoenae
 Pinxerunt , habeas volo : Cuique
 Accessu facilis , suavis ore ,
 Rectus corpore . Non fuit pusillus ,
 Non magnus : pedibus celer , levisque ,
 Nobilique habitu perambulabat ,
 Et promptus choreis , et aptus armis .
 Oblongus facie , labris tumescens ,
 Quibus saepe jocans crebro micabat .
 Fuit fronte sat eleganti , et ampla ,

Y 2

Et

Et supercilio gravi, simulque
 Jucundo, huc oculos vibrans, et illuc
 Igne, et magnanimo decore fufos.
 Haud parvae, haud tumidae fuere nares :
 Masculo rubuit colore vultus ,
 Quem sparsere Deae venustiore,
 Rifu, et ambrosia, sacroque melle .
 Virtutes, Patriam, simulque amicos
 „ Plus quam se, atque suos amavit omnes „
 Crudis dentibus impudentiorum
 Fortis ingenio, integraque mente
 Se docte eripuit. Gravem veneno
 Sic, et invidia fefellit artem.
 Maffei en facies, diserte lector .
 Sed quanti fuerit, superba fama,
 Et chartae egregiae satis monebunt .

Laudes Cynthiae.

V I I.

Pulchra Cynthia, Cynthia ista pulchra,

Ista

Ista Cynthia, quae nitore vincit
Coelestes Charites, venustiusque
Omne, quod fuit, est, eritque saeclo,
Divinis oculis micat, genisque
Florescit roseis, micatque labris
Venuste rubeo colore fufis.
Fulget fronte sat eleganti, et ampla.
Nitet Cynthia clariore crine,
Quem pulcherrima Berenix notandum
Olim fidere tradidit micanti.
Toto corpore mollior recenti
Lacte te superat, Venus, tenella,
Nilque amabilius quidem superbis
Quondam Dardanius Paris Mycenis
Abduxit. Foret ista Cynthia, ista
Pulchrius Priami, simulque Trojae
Everfae pretium, decentiorque
Culpa Trojugenis, magisque clara.

Lau-

Laudes Catellae Mantuanae.

V I I I.

V Os nugas solitae, facetiasque,
 Et jocos canere, et leves amores,
 Musae, adeste mihi, precor, secundae;
 Mi praebete jocos, facetiasque,
 Quis decus Patriae meae Catullus
 Olim suaviloquo excitatus oestro
 Dixit delictum suae puellae
 Passerem. Modo me vocat Catella,
 Quae cunctas alias nitore vincit,
 Et quid candidius Catellae rostri
 Undas Minciades bibit micantes.
 Claudat candidulos Catella dentes
 Nigris in labiis, caputque tonfis
 Ornat auriculis, geritque nares
 Simas, Felfinei ut gerunt Catelli
 Atræ luciduli micant ocelli
 Fronte. Luteolo colore terga

Ful-

Fulgent, molliculaque pelle toto
Nitet corpore. Recta, et alta est,
Nec cessat duplici sinu retortam
Usque caudam agitare, et usque. Vocem
Si sentit Dominae procul petentis,
Nescit stare loco; tremunt torosos
Artus, profilienisque concitata
Circumquaque fugit, reditque rursus,
Nec stat, ni teneris residat ulnis
Dilectae Dominae; cui tenellos
Summis dentibus incitat lacertos,
Et molles digitos, manusque lingit;
Suis inde joci, modisque blandis
Demulcet Dominam, usque dum (invidenda
Nimis!) millia multa basiorum
Delibet. Nitidas repente si quis
Januas adeat, sagaciori
Vulpe callidior bene hos, et illos
Noscit, quis referandi, et obferandi
Postes: hos prohibet, truci que cogit

Latratu ultimo abire limine aedis:
 Illis unde placet satis, suaeque
 Et placet Dominae! Tui, Catellæ,
 Si lusus Dominae placent, jocique;
 Cur non et placeant meaeque nugae?
 Has nugas igitur tibi dicatas,
 Offeram Dominae, simulque plectrum.

*In nuptiis
 Comitis Marci Suardo, et Comitissae Mariae
 Benaglia.*

V I I I I

Quid mei Hendecasyllabi fletis
 Adhuc? Ecce faces Hymen ministrat,
 Et ad conjugium vocat venustam
 Sponsam, cui Charites decore vultum
 Sparfere, atque animam suis Minerva
 Afflavit radiis, choro Dearum
 Ipsa ceu foret inferenda summo.
 Hanc sponsam Veneres, pari marito
 Jungunt, et thalamum parant jugalem,

Unde

Unde ambo teneros bibent amores.

Quid mei Hendecasyllabi filetis

Adhuc? Quin properatis expediti

Huc, ubi celebres canunt poetae

Tantum connubium? Eruditus ecce

Doctis artibus, ut meis susurrat

Nunc fama auriculis, Maritus ipse

Vos quidem accipiet libenter, etsi

Incessu Latio audeatis ire.

Etruscum ille colit bene, ac Latinam

Poesim. Ite igitur cito canentes

Laudes, quae deceant Virumque tantum,

Sponsamque egregiam: malusque pulvis

Vos nunquam, tineaeque devorabunt.

In Nuptias

*Comitis Joannis Baptistae Archii cum Marchionissa
Mathilde de Canossa.*

.....X.....

OMnium optime flos Puellularum

Mathildes nitida, et magis diserta,

Z

Quis

Quis laudes referat tuo decore
Pares? seu pedibus leves choreas
Ducas, seu tumidos premas fugacis
Armos quadrupedis, manuque docta,
Quamvis indocilis pati recuset
Frenum, prompta regas, citoque cursu
Praevertas Lepores; superba praeda est,
Quae tuis manibus cadit preempta,
Viſta unde invidet tibi Diana,
Atque Amazonidum cohors vetuſta.
Te morum ingenuus nitor, piusque
Candor eloqui, venuſtiuſque
Quidquid eſt Charitum, ſuaviuſque
Te miſcet ſupero choro Dearum.
Nymphae Minciadis lacus diſertae,
Quae olim lacrimulis tuam parentem
Deſſevere Roſam tui Parentis
Adveſtam ad thalamum, Roſam venuſtam
Sexus foeminei, ſuaeque Gentis
Immortale decus, modo indecentem

Flu-

Fletum contineant. Acerba damna

Tu satis reparas: Parentis ipsam

Namque haurire animam tibi dedere

Numina, unde habitum, illiusque vultum,

Incessumque refers, pioſque mores.

Sic reddit tua Gens, quod ipſa debet

Mantuae pretium ſatis decorum.

Nonadhuc dubites. Abi veniſta

Sponſa: jam thalamum Venus jugalem

Stravit. Sanctus Hymen quatit micantes

Faces: Mantua te cupit, tibiſque

Sponſum ex Archiadum exhibet veruſto

Satum ſanguine, nuptiaſque dignas

Te parat. Famulae liguſtra plenis

Spargunt Idaliae viam caniſtris,

Et tecum comites erunt ubique.

Hymnos dum pueri canent ſequaces,

Atque candidulae ſimul puellae

Cymbala in numerum manu viciffim

Pulſabunt. Gnidiuſ tibi Cupido

Praemonstrabit iter, comesque fidus.
Sacro flammeolo comas amictam
Te docet, placido qua arundinosus
Lambit Mincius amne flexuosas
Ripas, atque agitans levi susurro
Undas, se in nitidum lacum revolvit:
Belli praesidium, decusque pacis,
Unde pulchrior es tuis amicis,
Mantua, hostibus et magis timenda.
Quid moraris adhuc venusta virgo?
Abi. Mater eris, tuumque sponsum
Patrem tu facies, citoque prolem
Habebis specie, et decore plenam,
Quae mores referat, patrisque avitos,
Et matris simul. At pole coruscus
Laeto nascitur Hesperus, jubarque
Vobis Idalium explicat; novoque
Nuptis en pueri nuces repostas
Clamori exagitant, rosasque spargunt.
Salvete, o Juvenes; diu valete.

Lu-

Lucem, Phosphorus, et diem, rogate, ut

Tardior referat, Venusque sancta

Nuptiis faveat, Puerque coecus

Vestros augeat ipse amoris ignes.

Salvete o Juvenes: diu valete.

Nil meas aliud, decet Camoenas.

*Sirmionis Peninsulae
Laudes.*

LIBRO XI.

Salve Sirmio, Sirmio beata

Salve. Te cecinit meus Catullus,

Unde diceris infularum ocellus.

Te olim Lesbia candido beavit

Vultu. Conscia carminum, atque amorum

Vatis fatidici superba gestis.

Ostentas virides sacros recessus,

Queis clara Hesperidum vireta vincis.

Tu quidquid Veneres, simulque Musae

Donarunt lepido meo Catullo

Dulcius, graviusque, laeta nobis

Et

Et lares memoras, focosque sacros,
Et lapsas veteri domos ruina
Nobis pandis adhuc. Pius vetustos
Nunc ego tenerae colo recessus
Addictos Erato: hic inelegantem
Tibi sacro lyram, meosque amores.
Ne pondus leve muneris recuses,
En pulcherrima Elysa, quae nitore
Lesbiam superat, Deasque, et omne
Quidquid est Charitum, fuitque florum.
Haec arguta movet labella, et igne
Vivaces oculos vibrat; lepore,
Et risu reniter, rosasque vincit
Pulchritudine. Quidquid est virorum
Mulcet roboris, allicitque corda.
Blanda nunc manibus suis Elysa
Tibi, Sirmio, vota nostra solvit.
Jactitare igitur vetusta pulchrae
Vota define Lesbiae; piaris
Clariori etenim, magisque dulci

Ma-

Manu; candidior, suaviorque

Unde nulla tibi dies micabit

In Nuptias

X I I.

PUlchram pinge mihi, precor, puellam

Vivis, musa, coloribus; puellam,

Quae vincat Charites, Deasque flore

Pulchritudinis, et nitore vultus.

Primum pinge comas manu magistra

Flavas, molliculas: sine hacce partim

Liberas volitare ubique, partim

Lento compositas jacere nexu.

Frons eburnea sit, serena, laevis.

Neu supercilium putes scicare,

Vel miscere nimis, levi sed umbra:

Inter se cilium coire utrumque.

Flavo palpebra fulgeat nitore;

Vivam materiam ministret ignis

Ocellis, Venus, et Minerva formam,

Ut

Ut decus referant, simulque amorem.

Nasum pinget, genasque, queis colorem

Praebat rosa lacte sparsa pingui.

Finge suaviolum labrum rubore

Fructus puniceos magis, magisque

Vincens. Molliculum inde finge mentum;

Collum fulgidius sit unione.

Luctantes strophium premat papillas,

Quas circum volitet venustiorum

Quidquid est Charitum. Superba membra

Auro contege, purpuraque Coa.

Molles pinget manus ita, ut venustam

Totius speciem exprimât puellae.

Hoc mihi satis. En venusta virgo.

At quis ingenium indicet virile,

Ingentesque animos, gravemque mentem,

Quam tantam dederunt Deae movere

Formam? Si mea musa non valebis

Tanta dicere, dic. Venus, Minerva,

Pulchrae cedite Virgini. Hanc Deorum

For-

Formavit Genitor, viroque dignam
 Effinxit, cui jungitur decoro
 Tandem connubio, Adriæ superbo,
 Unde littore gestiunt puellæ,
 Et spargunt manibus ligustra plenis.
 Ite verficuli mei invenusti;
 Augete Adriacos ubique plausus.
 Neu incauti tamen audeatis alta
 Sponsæ limina adire: namque vestis,
 Quam rudes geritis modis latinis
 Contextam, vereor, ne amata forsan
 Sponsæ gaudia, nuptiasque turbet.

*Vincentio Vicario Presbytero Veicetino J. U. D.,
 qui nuptias Auctoris cum Marchionissæ
 Octavia Capra
 cecinit.*

X I I I.

O Ter illepidi, invenustique
 Nunc mei Hendecasyllabi ocyores
 Aura, Bacchilionis ite ad oras

A a

Di-

Dilectas nimium, nimisque caras
Minervae, Uraniaeque, Apollinique.
Summus hic aderit vir, eleganti
Qui verbo, ingenioque perspicaci
Certum, Jupiter! & laboriosum
Euclidem enucleat, triangulosque
Doctus explicat Archimedis, una
Stellarumque obitus, vagumque solis
Iter comperit; aerisque pondus,
Et coecos maris optime scit aestus.
Hic plectro feriens lyram latino,
Et promens cithara modos Hetrusca
Belle Virgilium aemulatur ipsum,
Et Petrarcam imitatur elegantem.
Ibi sistite, gratiasque dignas
Illustri referatis, opto, vati,
Quem jam non piguit meas decoro
Versu dicere nuptias, Virosque
Tantos sollicitum excitare, ut oestro,
Musisque ingenio diu dicato,

Me

Me vatem canerent ter infacetum,

Nullisque illecebris, jocisque dulcem.

*Ad N. V. Vincentium Garolum Comitem Barziza
discedentem a Veronensi Praetura.*

X I I I I.

PLenus Aonidum chorus Sororum
Afflat Pierio meos sodales
Oestro. Calliope lyra, Thalia,
Et Clio calamo, suisque avenis
Singulae resonant modo canentes
Virtutes animi celebriores,
Quae fidae Sociae Virum sequuntur,
Qui discessu Atheſim ſuo relinquens,
Fuſam lacrimulis reliquit Urbem.
Cur ergo ſileam ſopore victus?
Vos vos, o Charites, meo Catullo
Dilectae comites venustiores,
Et vos, o Dryades, adeste, quaeso,
Et desiderio meo favete:

Lauros ferte citae, rofas, ligustra,
Et tanto meritam Viro corollam
Mecum nectite, melleoque ineptos
Spargite Hendecasyllabos lepore.
Quam belle rutilant, & expolite
Artes! Hunc studia, omniumque morum
Quidquid candidiusque, dulciusque est
Supremo inferuit choro Deorum.
Aequus namque fuit, suumque obivit
Munus tam bene, nos quam amavit omnes.
O duram Nemefim, o proterva fata!
Heu nos deferet, & modo superbum
Adriae properabit ire litus.
Gressus candidula manu fugaces
Detinete, Deae, precor: vetusta
Urbis Amphitheatra, fluminisque
Oras, deliciasque Montis, Hortos,
Et notum nemoris sacri recessum
Illius memori locate mente:
Ut cum inter patrii inclytos sedebit

Senatus Proceres, juvet favore
 Nostra jura, & opes, meosque servet
 Cives consilio, manuque forti.
 I nunc Carole, sed tamen cupit Te
 Verona & reducem, sui que cordis
 Nam aufers dimidium, sui que amoris.

In nuptias

N. V. Antonii Ruzzini cum Comitissa

N. D. Harpalice Manini.

XV.

Nuptias, thalamum, facesque clamant
 Vectae Nereides maris perundas
 Leves Adriaci, vocantque Patrem
 Neptunum, madidamque Thetidem. Ecce
 Neptunus latebris caput profundis
 Amphitrite oculos refert serena;
 Completque aera plausibus, tibi que
 Harpalix, meritum parant maritum.
 Illi cum bene noverint futurum,
 Ut praesens, tabulis arata coecis

Clare fata legunt, tuosque longo
 Censent ordine filios aviti
 Haeredes decoris: vident dicatos
 Minervae pueros, feroque Marti,
 Qui Nepotibus explicata docti
 Mandent gesta patrum, manuque forti
 Tutentur patriam, regantque miti
 Gentes imperio, modisque blandis.
 At dum Nereides fretum natantes
 Nuptias, thalamum, facesque clamant,
 Formosae Dryades meas per oras
 Nuptias, thalamum, facesque passim
 Respondent. Violas, rosasque primas
 Legunt vere novo, et manu canistra
 Parant plena tibi, Harpalix venusta,
 Et fronti statuunt ruae corollas.
 Nuptias Athesis, facesque sentit
 Certatim; ille Athesis Pater, tenellas
 Qui voces, lacrymasque primus hausit,
 Vagitusque tuos, ubi decora...

Te

Te Parens peperit Viro jugata,
Viro, qui facilis regebat urbis
Habenas, populoque jura suavis
Dabat. Magnanimi memor Parentis
Rarus canitie tuo, Puella,
Gaudet connubio senex, diesque
Promittit placidos, simulque longam
Aetatem, puerosque perpolitos
Bonis moribus, artibusque doctis
At, sponsi, interea precor, secūdis
Gaudete auguriis: amoris umbras
Conscias properatē mox adire,
Et chorus Dryadum, marisque Nymphae
Sint vobis comites, venustiusque
Quidquid est Charitum favore vobis
Adsit, dum Veneri, Cupidinique
Noctis gaudia laeta sacro vestrae,
Atque Apollineo furorē captus
Nuptias thalamum, facisque clamorē

Ado-

*Adolescentulo Angelo Comiti de Miniscalchi F.
Equiti Hierosolymitano degenti in Collegio
Brixienti
Comes Aloysius P.*

X V I

Etti me vigilem satis Parentem
Sex Nati, & quatuor simul Puellae
Jupiter! faciant, gravemque curis,
Non adhuc tamen a novem Sororum
Me abstraxere choris. Apollo flavus
Nondum Castaliis sitim levare
Me lymphis vetuit. Sacros recessus
Quandoque Aonidum frequenter, ubi ipse sacro
Posthac vividior quam subire
Abrupta officia optimi Parentis
Interdum tamen improbo labore,
Et curis agitata mens fatiscit,
Et defessa manus movere plectrum,
Et molli refugit vocare avena
Musas. Me teneris modo jacentem

Tuis

Tuis verbis erigis, simulque
Intimas recreas mihi medullas,
Quod te Socratis inter officinam
Versantem audio, & optimis vacantem
Praeceptis Sophiae, unde Solis orbem,
Stellarumque iter, & vagos labores
Lunae comperis. Oh meis ocellis
Nate amabilior, meaque vita,
Incepto insta operi, scientiisque
Totum intende animum. Horridae latentes
Sic Syrtes Lybiae, marisque certos
Aestus percipies, viasque apertas
Nosces Oceani, polique fixa
Astra, cum Melitenium carinas
Inter velivolas secabis aequor,
Atque foedifragos timenda in Afros
Arma compuleris. Meis ocellis
Nate amabilior, meaque vita,
Te non alluciant leves juventae
Mores, desidia, otioque turpes;

Sic

Sic quando Vir eris, senexque tardus
Olim te puerum fuisse nunquam
Pigebit. Celeres juventa fervens
Eheu labitur in dies, fugitque
Votis non revocanda. Dum virentis
Aevi tempus agis, precor tenellum
In virtutem animum reflecte solers,
Et pectus, docilemque suesce mentem
Nunc ad fortia. Sic eques, erisque
Miles strenuus, optimusque civis,
Et laetum facies tuum Parentem.

F I N I S.

